



吳越所見書畫錄卷五

聽松山人陸時化編

宋蘇文忠書遊天竺寺安老亭詩卷

紙本高一尺零三分長七尺八寸字大徑寸神彩奕奕又有一本吳文定雙鉤廓填亦精

雨中邀李范菴過天竺寺作 步來禪榻畔涼氣逼團

蒲花雨檐前亂茶烟竹下孤乘閒攜畫卷習靜對香鑪

到此忽終日浮生一事無 老禪趺坐處疎竹翠泠泠

秀色分隣舍清陰覆佛經蕭蕭日暮雨曳履繞方庭

安老亭詩 橋下幽亭近水寒倩誰 字在榻端市廛

得此尤堪隱老者於今只有安飯後徐行扶竹杖倦來

穩坐倚蒲團眼

又多一眼
字點去

明能展鍾王帖絕勝前人映

雪看

元祐四年九月二日蘇軾

眉山
蘇軾

吳寬

金匱石
室之書

惟寅
秘玩

雲東
逸史

蘇長公此書行中帶楷甚是謹嚴非平日率意之作然
第二詩失寫一聯第三首遺一字多一字豈以矜持而
反悞耶此詩意長公自作乃遍覽文忠全集未見是詩
或非得意之作故未載之集耳集中有天竺寺詩并引
云予年二十先君自虔州歸謂余言近城山中天竺寺
有樂天親書詩云一山門作兩山門兩寺元從一寺分
東澗水流西澗水南山雲起北山雲前臺花發後臺見

上界鐘聲下界聞遙想吾師行道處天香桂子落紛紛
筆勢奇逸墨跡如新今四十七年予來訪之則詩已正
有刻石存耳感涕不已而作是詩香山居士猫遺跡天
竺禪師有故家空詠連珠吟疊壁已正飛鳥失驚虵林
深野桂寒無子雨浥山薑病有花四十七年真一夢天
涯留落淚橫斜二詩皆雋永有味香山詩乃連珠體也
故長公有連珠疊壁之句倘以此卷之書法書此二詩
豈不大快人意因錄於尾紙以補美中不足云 乙未
三月十日愔前百花齊放展卷題之剪鑑亭主陸時化
滄浪詩話云有律詩止三韻者注引李益漢家今上郡

秦塞古長城有日雲常慘無風沙自驚當今天子聖不
 戰四方平詩證之王阮亭古夫于亭詩問亦云六句律
 體於古有之楊升菴撰六朝律祖記曾載之則此體不
 自唐人昉矣據此詩話二則卷中雨中同李范菴過天
 竺寺第二首其為三韻律詩無疑是年七月十五夜月
 色甚明清風涼爽偶憶及之復又秉燭書此

元俞紫芝小楷節錄左傳穀梁檀弓詩序註說冊

紙本十一幅每幅高八寸濶四寸六分小楷逼真松
 雪所書之辭雖有刊本然非皆全書者不錄不明

公將如棠觀魚者減僖伯諫曰凡物不足以講大事其
 材不足以備器用則君不舉焉君將納民於軌物者也

故講事以度軌量謂之軌取材以章物采謂之物不軌
 不物謂之亂政亂政亟行所以敗也故春蒐夏苗秋獮
 冬狩皆於農隙以講事也三年而治兵入而振旅歸而
 飲至以數軍實昭文章明貴賤辨等列順少長習威儀
 也鳥獸之肉不登於俎皮革齒牙骨角毛羽不登於器
 則公不射古之制也若夫山林川澤之實器用之資阜
 隸之事官司之守非君所及也公曰吾將略地焉遂往
 陳魚而觀之僖伯稱疾不從書曰公矢墨蹟多一魚於
 書字點去
 棠非禮也且言遠地也此段全錄左傳第一幅
 刪首句五年春
 知悼子卒未葬平公飲酒師曠李調侍鼓鐘杜蕢自外

來聞鐘聲曰安在曰在寢杜蕢入寢歷階而升酌曰曠
飲斯又酌曰調飲斯又酌堂上北面坐飲之降趨而出
平公呼而進之曰蕢曩者爾心或開予是以不與爾言
爾飲曠何也曰子邠不樂知悼子在堂斯其為子邠也
大笑曠也太師也不以詔是以飲之也爾飲調何也曰
調也君之褻臣也為一飲一食忘君之疾是以飲之也
爾飲何也曰蕢也宰夫也非刀匕是供又敢與知防是
以飲之也平公曰寡人亦有過焉酌而飲寡人杜蕢洗
而揚解公謂侍者曰如我死則必毋廢斯爵也

自知悼子卒至此第二幅

此幅畧狹兩旁以紙駢足

墨林山人

晉邢侯與雍子爭鄙田久而無成士景伯如楚叔魚攝
理韓宣子命斷舊獄罪在雍子雍子納其女於叔魚叔
魚蔽罪邢侯怒殺叔魚與雍子於朝宣子問其罪於叔
向叔向曰三人同罪施生戮死可也雍子自知其罪而
賂以買直鮒也鬻獄邢侯專殺其罪一也已惡而掠美
為昏貪以敗官為墨殺人不忌為賊夏書曰昏墨賊殺
臯陶之刑也請從之乃施邢侯而尸雍子與叔魚於市
仲尼曰叔向古之遺直也

左傳昭公十四年尚有下文

晉侯執曹伯歸於

京師諸侯將見子臧於王而立之子臧辭曰聖達節次
守節下失節為君非吾節也雖不能聖敢失守乎遂逃

奔宗

左傳成公十五年自晉邢侯至此第三幅

墨林山人

取部大鼎於宋納於太廟非禮也臧哀伯諫曰君人者將昭德塞違以照臨百官猶懼或失之故昭令德以示子孫是以清廟茅屋大路越席大羹不致粢食不鑿昭其儉也衮冕黻珽帶裳幅舄衡紃紕紕昭其度也藻率鞞鞞齔厲游纓昭其數也火龍黼黻昭其文也五色比象昭其物也錫鸞和鈴昭其聲也三辰旂旗昭其明也夫德儉而有度登降有數文物以紀之聲明以教之以照臨百官百官於是乎戒懼而不敢易紀律今滅德立違而寘其賂器於太廟以明示百官百官象之其又何

誅焉國家之敗由官邪也官之失德寵賂章也部鼎在

廟章孰甚焉武王克商遷九鼎於雒邑義士猶或非之

而况將昭違亂之賂器於太廟其若之何

左傳桓公三年第四幅 墨林山人

衛莊公娶於齊東宮得臣之妹曰莊姜美而無子衛人

所為賦碩人也又娶於陳曰厲嬀生孝伯早死其姊戴

嬀生桓公莊姜以為己子公子州吁嬀人之子也有寵

而好兵公弗禁莊姜惡之石碻諫曰臣聞愛子教之以

義方弗納於邪驕奢淫泆所自邪也四者之來寵祿過

也將立州吁乃定之矣若猶未也階之為禍夫寵而不

驕驕而能降降而不憾憾而能矜者鮮矣且夫賤妨貴

少陵長遠間親新聞舊小加大滯破義所謂六逆也君
義臣行父慈子孝兄愛弟敬所謂六順也去順效逆所
以速禍也君人者將禍是務去而速之無乃不可乎弗
聽其子厚與州吁游禁之不可桓公立乃老州吁未能
和其民厚問定君於石子石子曰王覲為可曰何以得
覲曰陳桓公方有寵於王陳衛方睦若朝陳使請必可
得也自衛莊公起至桓公立乃老止為一篇是左傳隱公三
年自州吁未能和其民至必可得也止與下頁聯又是一篇第五幅
厚從州吁如陳石碣使告於陳曰衛國褊小老夫耄矣
無能為也此二人者實弑寡君敢即圖之陳人執之而
請泣於衛九月衛人使右宰醜泣殺州吁於濮石碣使

其宰孺羊肩涖殺石厚於陳君子曰石碣純臣也惡州
吁而厚與焉大義滅親其是之謂乎左傳隱公四年與
上頁聯
宋昭公無道高哀為蕭封人以為卿不義宋公而出遂
來奔書曰子哀貴之也易曰幾者動之微吉之先見者
也君子見幾而作不俟終日宋子哀有焉此段左傳文
公十四年引
易五句
左傳無
仲尼作春秋以寓王法厚典庸禮命德討罪其大要皆
天子之事也胡氏語
自厚從州吁如陳起至
此為第六幅經三卷真賞
牀肝宣弑而非之非之則胡為不去也兄弟無絕道故
雖非之而不去也與之財則曰我足矣終身不食宣公

之祿君子以是為通恩也論情可以明親親言義可以
屬不軌所以取貴乎春秋此穀梁傳叔彤上尚有本文

晉侯使韓宣子來聘且告為政而來見觀書於太史氏

見易象與魯春秋曰周禮畫在魯矣此左傳昭公二年

紀侯去國叔姬至此始歸於鄫蓋紀侯方卒故叔姬至

此然後歸爾歸者順詞以宗廟在鄫歸奉其祀也魯為

宗國婦人有來歸之義紀既亡矣不歸於魯所謂全節

守義不以亡故而虧婦道者也魯人高其節義息禮有

加焉此錄春秋胡安國傳上文自牖胎至此為

鄭子產有疾謂子太叔曰我死子必為政唯有德者能

以寬服民其次莫如猛夫火烈民望而畏之故鮮死焉
水懦弱民狎而翫之則多死焉故寬難疾數月而卒大
叔為政不忍猛而寬鄭國多盜取人於萑苻之澤大叔
悔之曰吾早從夫子不及此與徒兵以攻萑苻之盜盡
殺之盜少止仲尼曰善哉政寬則民慢則糾之以猛
猛則民殘殘則施之以寬寬以濟猛猛以濟寬政是以
和詩曰民亦勞止汔可小康惠此中國以綏四方施之
以寬也毋從詭隨以謹無良式遏寇虐慘不畏明糾之
以猛也柔遠能邇以定我王平之以和也又曰不競不
綌不剛不柔布政優優百祿是適和之至也及子產卒

仲尼聞之出涕曰古之遺愛也

此左傳昭公二十年

第幅

墨林山人

衛共姜者衛世子共伯之妻也共伯早死共姜守義父

母欲奪之而嫁共姜不許作柏舟之詩以死自誓

此詩序

宋大災宋伯姬卒待姆也伯姬之舍失火左右曰夫人

少避火乎曰婦人之義傳姆不在宵不下堂遂逮乎火

而死

此首三句左傳下節錄穀梁傳

趙穿攻靈公於桃園宣子

未出山而復太史書曰趙盾弒其君以示於朝宣子曰

不然對曰子為正卿三不越竟及不討賊非子而誰宣

子曰嗚乎我之懷矣自貽伊慙其我之謂矣孔子曰董

狐古之良史也書法不隱趙宣子古之良大夫也為法

受惡惜也越竟乃免

此左傳宣公二年尚有上文

第九幅

盟於甯母謀鄭故也管仲言於齊侯

墨蹟悞書管仲齊于言侯

曰臣

聞之招攜以禮懷遠以德禮不易無人不懷齊侯備

禮於諸侯諸侯官受方物鄭伯使太子華聽命於會言

於齊侯曰洩氏孔氏子人氏三疾是違君命若君去之

以為成我以鄭為內臣君亦無所不利焉齊侯將許之

管仲曰君以禮與信屬諸侯而以姦終之無乃不可乎

子父不奸之謂禮守命共時之謂信違此二者奸莫大

焉公曰諸侯有討於鄭未捷今苟有釁從之不亦可乎

對曰君若綏之以德加之以訓辭而率諸侯以討鄭鄭

將覆之之不暇豈敢不懼若總其罪人以臨之鄭有辭矣何懼且夫合諸侯以崇德也會而列姦何以示後嗣夫諸侯之會其德刑禮義無國不記記姦之位君盟替矣作而不記非盛德也君其勿許左傳僖公七年尚下文十幅墨林石駘仲卒無適子有庶子六人卜所以為後者曰沐浴佩玉則兆五人者皆沐浴佩玉石祁子曰焉有執親之喪而沐浴佩玉者乎不沐浴佩玉石祁子兆衛人以龜為有知也此錄檀弓左氏將傳春秋乃先采集列國之史國別為語旋獵其英華作春秋內傳而先所采集之書草藁具存時人共傳習之號國語謂之外傳殆非

丘明本志也

葵岩李氏

俞和書

和俞

第十二幅

元趙文敏行草立軸

縮本高一尺六寸一分潤七寸五分所見文敏書鄭重於此者甚多不錄而錄此取其灼然無疑

絕頂清秋凌翠烟登臨應費酒如川平生能着幾兩屐負郭何須二頃田初日出雲光射地雙溪入湖波接天升高遠望我所愛青壁有路何當緣

子昂

元趙子俊寒流獨釣圖立軸

經本高三尺零二分潤八寸八分名孟巖官知州文敏之弟人物花鳥亦佳

至大二年春三月趙子俊為德剛高士寫寒流獨釣圖

博州隱

趙氏子俊

元僧雪庵水墨蘭竹立軸

絹本高三尺一寸九分濶一尺七寸蘭竹作風勢國朝書畫譜未載相傳為元人筆墨有逸韻

光風轉蕙 雪庵

雪窗 物外清樂

樂安

大承珍藏

元孔史官金管墨石立軸

紙本高三尺零六分濶一尺六寸五分書家傳及書畫史咸載之善古木竹石此幀問梅居士所藏

至正癸亥秋八月孔平仲寫

至聖大宗

清露滑、綠草幽曲堂垂處故優柔情懷脉脉含無盡

互對名花却療愁

題萱花一絕鄒迪先 莎砌 彦吉

王蘭堂圖書記

太原王氏之印

騰蛟起鳳

元宋仲温硃竹立軸

紐本高一尺九寸三分濶一尺零九分長洲南宮里人名克書畫兼優詩文亦妙丹青志諸書載之

克與季迪過文中芸閣見几間有硃筆佳紙因憶永道

方先生較藝南省曾用寫此君遂援筆仿佛之時却叟

適至復索紙令寫此戊申十月十九日宋克識 亦硃筆

夏景仲昭藏 墨筆

東吳夏景仲昭書畫記

蕤寢凝香

淇園丹鳳飛來幾時留得參差翼簫聲吹斷彩雲忽隨

碧雲猶隔想是湘靈淚彈多處血痕都積看蕭疎瘦

影隔簾欲動應是落花狼藉

莫道清高也俗再相

逢子猷還惜此君未老歲寒猶有少年顏色誰把珊瑚

和煙換去琅玕千尺細問來不是天工却是那春風筆
右水龍吟高啓賦 墨筆 仲温元人入洪武朝才名更甚真蹟殆僅此耳

元王元章墨梅立軸

絹本高四尺四寸七分潤二尺四寸千花萬蕊老幹橫生真仙筆也隱九里山至明物色授諮議參軍

樹在秀峯書院

山農圖

元趙文敏行草立軸

絹本高三尺九寸三分潤一尺四寸五分

湘簾疎織浪紋稀白苧新裁暑氣微庭院日長賓客退

繞池芳草燕交飛

趙氏子昂

松雪齋

明周仲鳴墓門梅立軸

紙本高三尺二寸四分潤一尺二寸六分宋李衡字彥平號樂菴江都人登進士授吳江主簿歷官至秘閣備揆有清操能建白孝宗朝請老居崑山結茅別墅惟二蒼頭書萬卷宋史有傳其墓上有古梅明正德時周仲鳴以水墨圖之仲鳴名號字仲鳴字德元號草庭崑山人寫梅超絕王元章之後一人見書家傳方鷄崑山志樂菴年七十九臨沒沐浴冠櫛儵然而逝周必大曰殆孔門聞道者歟

信史有列傳語錄存遺編孤墳翳蒼莽於茲知幾年聊

將古梅樹青裏玄堂前 草庭周號

周氏德元

故宋先賢遺墓荒涼野水之澹最愛老梅孤潔歲寒猶

抱貞心 表倍六言

幾乎情止 手禮義

玉笛吹殘夜聲太古情嫩人何處覓霜月正淒清

龔詡

婁東逸老

清風明月

不識江都李梅花彷彿同停舟欲相覓誰是主人翁
石浦菜盛次龔鈍菴韻

與之

樂菴行誼昔稱賢落落高風幾百年滿地落花春寂寂
一坏荒塚草芊芊雖無譜牒傳家世自有忠誠照簡編

今日鄉人來弔古漫斟濁酒酌風前

夏景

樂清軒

夏氏仲昭印

容臺歸老

板橋狹港曲通湖路入圓明六里遙不為梅花來載酒

要尋遺跡認前朝

樂安孫紹先

紹先

梅花貞白搢評與李公同公去梅仍在觀梅益慕公

玉岡蔣明

默菴

泮林清暇

奎章圖書

調羹曾見立奇功玉骨於今草莽中賴有清香終不泯

令人千古挹高風

錢用

君子居

錢用君濟

翰墨留神

詞調木蘭舟一闋

樂菴墳上寒煙蔓草三百年来變

故知多少一坏荒土指點有無中埋沒了幾個人知道

九原何處起英豪弔古傷懷抱為寫梅花欲寄相思

調但見一段平蕪數聲啼鳥高樹留殘照沈魯填

玄谷真人

郭外東南隅行行僅六里土地本高肥泉流亦甘美昔

人愛此民風和王公薤露時來歌誰知興廢眼前事舊

坟漸少新墳多楊生一鄉參考槃在空谷官田時趁雨

中耕父書夜向燈前讀樂菴之墓屋東頭人物吾邦第

一流楊生懷賢憫蕪穢有時歲事來恭脩斯文在斯人
 斯人不可作我欲薦梅花梅花已零落嗚呼三尺法群
 小知先生之封誰敢夷 開封鄧文原介菴時且如
 昔賢千古閱高名一似璫枝韵轉清豈信江離無足薦
 避塵標格倚深情 邑後學周復俊周復俊印 絲溪館書畫記
 又周仲鳴十景卷

紙本每幅高九寸
 長二尺四寸五分

每幅各自題詠搃跋
 另紙尺寸不計

第一幅粗筆 九老丰神世絕無定應踪跡寄仙都陰陽
 白描九老圖 妙處皆超悟糟粕閱看紙上圖 草庭鳴仲

梅麓 心賞

汪玩 氏珍

延陵周廷 氏賞鑑記

周氏藏 易印

第二幅淺着 童冠相隨似浴沂溪山好處細尋詩平生
 色山水一幅 取樂正如此欲去未能人不知 草庭鳴仲 梅麓 汪玩 氏珍

第三幅着 鉛粉輕勻不着脂碧羅衣袂細風吹莫從花
 色水仙 草求形似須想凌風步月時 草庭鳴仲 梅麓 汪玩 鄭氏 氏珍

第四幅松 至道名未立人身原有真崆峒說得破翻悞
 二株人二 世間人 草庭鳴仲 梅麓 汪玩 氏珍

第五幅古 反哺雛顧母群飛母引雛慈幃千里隔嘆我
 木寒鴉 不如鳥 草庭鳴仲 梅麓 汪玩 鄭氏 氏珍

第六幅 風月堂前秋到時黃花無數綴高枝主人尚食
 黃菊 折腰米慚負陶潛酒滿卮 草庭鳴仲 梅麓 汪玩 鄭氏 氏珍

卷五 十三 長因月

第七幅 墨山水 宦海未收身 西風飄面塵 烟波好去處 却屬釣

魚人 草庭 鳴仲 梅麓 心賞 汪玩 氏珍

第八幅 色松鶴 昂藏仙骨在 握粟可能招 畢竟家何在 丹山

路不遙 草庭 鳴仲 吳言 心賞 梅麓 心賞 汪玩 氏珍

第九幅 色荷葉鳥 秋塘雙脊令 急難無限情 秦王何太薄 推及

及元成 草庭 鳴仲 鄭氏 廷壽 梅麓 心賞 汪玩 氏珍

第十幅 柳送行 園聯首清詩 看局棋消磨 日月有幽期 歸時不

忘來時 路家在小橋西 更西 鳴仲 草堂 心賞 梅麓 心賞 汪玩 氏珍

仲冬三日夜 坐鍾山南樓 酒醒寒薄 寂然無譁 画與心會 各賦一詩 以寄興 詞多憂鬱 蓋時使之然也 正德丁

外歲草庭居士記

常郡周仲鳴氏

明吳範菴醫俗亭記 行楷立軸

古紙本 高三尺三寸 五分 潤八寸 分 成化壬辰會狀 仕至禮部尚書 兼學士 謚文定 書習蘇而多自得

醫俗亭記 余少嬰俗病 湯熨鍼石 罔奏功 而年日益

久 病日益深 殆由腠理肌膚 以達於骨髓 而為廢人矣

客有過余 誦蘇長公竹詩 至士俗不可醫之句 瞿然驚

曰 余病其痼也 耶何長公之詩云 爾也 既自解曰 士俗

坐無竹耳 安知其俗之不可醫哉 則求竹以居之 而家

之東 偏隙地 僅半畝 墻角蕭然 有竹數十箇 於是使僮

奴 壅且沃之 以須其盛 越明年 挺然百餘 其密如篲 而

竹盛矣自喜曰余病其起也耶因構小亭其中食飲於是坐卧於是嘯歌於是起而行於是倚而息於是傾耳注目舉手投足無不在於是其藉此以醫我之俗何如耶吾量之隘俗也竹之虚心有容足以鑿之吾行之曲俗也竹之直立不撓足以鑿之吾宅心流而無別竹之通而節足以醫吾之待物混而無制別竹之理而析足以醫之竹之干雲霄而直上足以鑿吾之志卑竹之歷冰雪而愈茂足以鑿吾節之變其瀟灑而可愛也足以醫吾之凝滯其為箏為管為箏為笙簫為篪篴也足以鑿吾陋劣而無用蓋踰年而吾之病十已去二三矣久

之安知其體不飄然而輕舉其意不釋然而無累其心不恍然而有得哉古之俞附秦越人輩竹奚以讓為然而竹也不苦口不眴眩不湔洗胎胃不漱滌五臟長公不余秘而授之余用之既有功緒矣使人人皆用之天下庶幾哉無俗病與明年余將北去京師京師地不宜竹余恐去竹日遠而病復作也既以名其亭復書此為記遲他日歸亭中顧俾病根悉去之不識是竹尚納吾否 余乘暇偶作此俚言書於小亭自適辱王汝契友過訪誦之不以鄙俚見嫌索書再四余不愧醜陋復書以歸之時成化二十二年歲在丙午秋七月望後三

日延陵吳寬記

延陵

博原

明沈啓南書窓曉鷄圖立軸

紙本水墨高三尺四寸濶九寸三分零一鷄獨步
毛羽森動花幹二枝筆力干鈞

金家二學子把卷俟天明暗壁吹秋火三聲爾心鳴

仲和有二姪俱勤敏仲和延師教之自加訓迪尤為勤

薦因寫書牕曉鷄併昉二子 石田沈周

沈氏
啟南

石田

明包山公設色荷花立軸

紙本高三尺七寸五分濶九寸五分王相國顯菴公物歷來
收藏愛護故鮮妍異常如露猶濕

本來花性纖如綺可柰波心石尤起惠日初收楊柳顰

冥天欲漏黿鼉喜殺紋漸改雪山推樹羽翔空雲陣靡

翠蓋拳攣卷席翻紅顏愁破羞含泚百川騰湧走銀虹

萬竅嗚呼吼蒼兕倏忽能令峭萼低瞥然不滿坳堂址

鉛華聚散固有時萬劫歸根同一指君不見斥鷃搶榆

並坐枝鴛鴦共托盤渦底濤珠剉碎復成圓萍梗飄流

自相倚何但摧殘並蒂魂却令散逐今流水天孫猶有

惜花心風伯無情胡乃爾雲君特為掃長空重整新粧

鏡光裏 友人湖蓮為颺風所敗歌以慰之并為圖象

萬曆甲戌七月望前二日包山陸治識

包山

陸治
叔平

棋林潘
氏家藏

明陳白陽紅梨花并書歐陽文忠公千葉紅梨花詩卷

紙本高九寸九分長五尺九寸此宜與二卷中
所載之溪波行卷合於一處以成雙壁溪波行卷
前畫潑墨山水後大字草書少陵溪波行此前寫
着色紅梨花後大字草書六一干葉紅梨花詩高
下亦彷彿山水花頭兩詩皆是名作白陽之能事
已見紅梨詩不錄錄其款

右歐陽文忠公干葉紅梨花詩余既作圖復書此以借

重云時甲辰春仲望後也道復識 白陽山人 陳氏道復

明諸賢題唐六如像冊

紙本像一幅題八幅高皆七寸一分濶皆一尺零八分

請問六如六如何居書如伯喈文如相如詩如摩詰畫
如僧繇氣如湖海之豪貌如山澤之癯若夫禪家六物
吾不知其所如矣無乃得居士之痛者歟

少傅王鏊贊

碧山學士

此居士非仙而有仙之風非禪而類禪之屬孰以金莖
露滌腸孰以玉壺水換骨孰飲以天河之水孰飼以藍
田之玉故能摹天地之精英於文章垂金石之聲華於
簡牘然則雖千載而不朽可也胡為乎有所謂如幻如
夢如泡如影如露如電者六耶無乃洞視死生而以是
六者自目耶 平洲生張傑讚

六如云何狀有為法凡厥有為非本來意惟親體之乃
見無有有居士唐徃學屠龍竟不一試縮手就閒方悟
釋語亦非妄述遂視身外脫然相忘心與天遊虛室存

白九柏山人呂憲贊

九柏山人

浙西人

業家

現居士身在有生境作無生觀無得無證又證六物有物是病打死六物無處討命大光明中了見佛性

沈周讚

吳下奇才果絕倫錦心繡口雪精神若非金粟如來相應是玉皇香案人雲霧掃開廬阜景鯨鯢吸盡洞庭春此生風月笙歌債惹得百花香滿身 抗生費景雲

唐子將卜築桃花之塢謀家無資貽書見讓寄此解嘲

十月廿日禎卿上

余昔攀白日虹蜺干紫庭浮

沉帝座側無人知歲星側侍公車無所歡聊騎天馬出

長安南下滄溟浮七澤還携謝客弄波瀾青泥中開秀

衡嶽瀑布灑入千峯寒冥冥仙氣貫南斗直欲凌身燒

大丹迴裾西拂巫山浦浩蕩歡心間雲雨歸來欲奏楚

王書漢主上林方好武黃金不遇空自吁白壁無媒翻

見悔昨日結交燕少年酣歌擊筑市中眠正逢天子失

顏色棄俸經時無酒錢入門百結鷓鴣盡笑立文君明

鏡前却思舊日高陽侶黃公酒壚何處邊天下綈袍誰

不憐却卿未具山中橐何人為買剡溪田唐伯虎真俠

客十年與爾青雲交傾心置腹無所惜擊我劍拂君纓

請歌鸚鵡篇為奏朱絲繩胡擾擾蒼蠅之惡殺我今贈

瞻尚如此嗟爾悠悠世上名

明沈石田像立軸

像絹本高一尺九寸五分濶九寸四分題贊亦絹本高八寸八分濶一尺四寸二分

金石其殼玉雪其膚身處乎一邑名動乎兩都設凡乞言有敬老之郡縣款門求見有好賢之士夫辯博傾座人而守之以訥通明識時務而處之若愚塞胸中之丘壑洩指下之江湖演而為詩溢而為書豈特王摩詰之輩抑亦文與可之徒妙哉鍾老寫此酷如清水玉壺之瑩澈碧梧翠竹之扶疎吾又見石巖裏之謝幼輿也嘉議大夫吏部右侍郎前詹事府少詹事兼翰林院侍

講學士友生吳寬贊

吳寬

古太史氏

明季朱卧菴小像立軸

紙本水墨白描高一尺八寸七分濶一尺二寸七分今諸題皆在本身陸白齋藏

卧菴道士小像時年四十篆

中即才貌是皓髮著儒

衣徐步移斑杖持經奉紫微神仙餘氣色文物有光輝

魏闕辭花綬消搖息世機

集唐人句

崔融司空曙

錢起王昌齡

侵叟姜埰敬題

姜埰如

古今道士惟徐鴻客安世通為出色此真驅霹靂役鬼

神者卧菴固有其意其尚杜門抗走塵俗熟讀道德南

華陰符經乃得究竟若祇向畫圖摸索則似聞鐘捫籥

以為日出無有是處不止隔蓬萊幾萬重也 南昌彭

士望題

易堂

躬菴

一杖一笠欲何之年方強仕已如斯行年六十不改其

須眉非有道之士誰能為 易堂魏禧題 翠微 叔子

碧海何人問伐毛 緼袍欲換紫煙袍 神仙原屬知名士

楊許風流是我曹 杖攜綠玉絕輕埃 點點山花拂酒

杯 吳市自來仙 隱處駕鴻何用訪 蓬萊 松陵吳兆騫

題

杖笠蕭然客行年 塵世年生平有微尚 意氣欲凌烟 鐵

網富金石簽名 慕倥傯紫霄何日到 玉貌祇今傳 蒸

砂方塘

塘方

渠問

明文衡山先生像立軸

紙本高一尺一寸六分 潤七寸二分 休承款及記 生死年月俱小楷 上另紙有吾家五湖贊今已失

仲男嘉百拜寫 明將仕佐郎翰林院待詔兼脩國史

衡山文徵明小影 生於成化庚寅十一月初六日卒

於嘉靖己未二月二十日

明宣宗御筆宮貓圖卷

絹本高九寸三分 長五尺四寸二分 設色 貓七頭 其狀不同 神情各異 又蜂二 落菓三 貓看蜂 蹴菓

做宣和筆

宣德秘閣 圖書之寶

九曲篆大方印 蓋在宣和二字上

有狸有狸或白或黃黃者蜩縮威斂而巖攫身抖擻白

雄且獷我皇圖之妙畫厥狀猛虎在山百獸股戰靜者
蓄威動之禦變 臣士奇 楊貞一

題彼詡詡胡然逐逐嘯侶鳴儔羣鳥興矚乃知睿慮無
大無小罔敢戲豫允孚至道 臣士奇 楊貞一

宛轉作勢閑整自持或如游龍或類伏獅碩果不食以
遊以嬉樂我皇道牙爪是司 宣德三年四月八日臣

士奇侍直文淵閣 上出是圖命臣題識臣謏劣庸鄙
無以仰贊高深謹系贊三首蕪蕪固陋殊污絹素惶恐

交并曷勝屏營 臣楊士奇拜手敬識 楊貞一

御府 晉府書 春暉堂 子孫 錫山談 秘府 汪氏傳
圖書 畫之印 圖書記 永保 氏珍藏 家之寶

宣宗天縱神敏遜志經史詩文援筆立就萬幾之暇游
戲翰墨此卷乃做宣和得生動於規矩之中奪造化於
神情之際遂與徽宗如出一手然其政治豈徽廟所及
哉按本紀在位僅十年崩時僅三十一歲事事合仁君
之度惟無罪廢胡后一端為非禮楊文貞亦不諫餘如
重農桑躬畊藉田祭先農即於壇側賜耆老百官宴置
六府課農官謁陵道見耕者躬三推知農終歲勤苦賜
所過農家鈔賦豳風圖詩揭之便殿恤民隱水旱必賑
無年不免稅糧七年以官田賦重十減其三昔云聞異
時蠲租詔下戶部皆不行使澤不下究自今令在必行

出減租詩示之務節儉罷湖廣採木鍾法保請採珠下
獄懲罪罷中官入番市馬及陝西市馬罷工部諸採辦
臨崩召還採買營造諸使振威武親征漢王高煦以勅
繫矢射城中諭以禍福得出降平定兀良哈侵邊齎糧
十日率卒三千由喜峰險隘而入能親射前鋒殪三人
養人才作猗蘭操賜廷臣諭以薦賢為國增建國子監
房舍諸生有家室者給月糧慎簡用擢郎中况鍾薛廣
等廿人為知府任于謙諸人為六部侍郎巡撫各省察
墨吏嘆捕蝗之使害民不減於蝗作詩示儆中官表琦
等十一人在外貪暴誅而榜示其罪凡此視宣和朝政

之亂用人之誤失國之辱不可同日語矣按揚文貞
列傳初名寓字士奇後以字行江西泰和人早孤好學
薦辟起家成祖時由翰林為東宮官仁宗為太子喜文
辭文貞云當留意六經否則二漢詔令可觀小技不足
效漢趙二王間太子成祖心動文貞曰殿下天資高有
過必改得不廢仁宗立擢華蓋殿大學士易月制滿呂
震請即告文貞不可仁宗云梓宮在殯易服豈臣子忍
言士奇執是也李慶請發軍伍餘馬給有司歲課其駒
文貞奏曰選賢任官乃使牧馬是貴畜賤士也有上書
頌太平者仁宗召諸大臣示之皆以為然文貞獨曰未

也宣宗立親征漢王陳山與諸臣請并征趙王文貞不
可帝以羣臣章示王趙王上表獻護衛以全天倫帝微
行夜至文貞宅頓首曰柰何以社稷宗廟之身自輕異
日果獲二盜悖志宣宗崩英宗纔九齡士奇同楊溥楊
榮輔政謂之三楊正統之初朝政清明中外臣民翕然
後衰老王振擅權不能匡正告伊子稷無道至侵暴
殺人亦不知稷瘐死獄中文貞卒年八十有史才備太
祖太宗實錄列傳未詳其詩文書法今展此卷三贊吐
辭風雅有體書亦得晉人遺意想作傳者書其大而略
其細也乾隆癸巳五月二十又五日聽松山人陸時化

明王雅宜行草立軸

古紙本高二尺四寸四分濶七寸四分印二大雅堂王履吉印

書齋白日有雲氣卧看叅天雙杏林布衾陶器甘鼎食
流水高山鏘玉音簷下鹿鹿弭時寓宿洞中鸞鶴幾招尋
西鄰濁酒荷鋤倦與汝賡歌梁父吟 雅宜山人王寵
又王雅宜行草立軸

宋藏經紙高一尺六寸四分濶八寸七分零印四香山草堂王履吉印雅宜山人石湖漫士

古木朱藤踈看花澹雲斜日淨江沙黃金臺上無推轂
白石山中有歲華 雅宜山人王寵書於石湖別業
又王雅宜行草立軸

宋紙高三尺四寸一分濶七寸一分印三
堂 辛夷館印 王履吉印 大雅

山水雲門會林篁石道微毫光空翠落花雨瀑泉飛麋
庶集金鏡莓苔積寶衣浮沉竟何益轉覺此生非王寵
又王雅宜行草袖珍卷

本身與跋皆紙本高皆四寸七分本身長四尺一
寸一分跋長三尺四寸

包山寺 百嶼自迴合天開寶樹林古幢靈影曳風竹

澗泉吟白石集龍象青山習道心網羅空骨戀吾意在

高深 上方寺 其詩即前山水
雲門會不錄 巖上人房 巖栖

三島隔林卧五湖流吐納雲霞迥空濛天地浮鏡機紛

入象寶思濟窮幽萬事徒龍蠖無生安所求 蔡師玄

秀樓 山川覽不極日夕庾公樓貞觀虛中揭玄心物

外游十洲何處所七澤迥同流把酒渾忘我飄飄只海

鷗 胡道泉 名泉真乳穴滴滴滲雲膚白石支丹鼎

青山調水符靈仙食玉法人世獨醒徒長嘯干林竹清

風來五湖 辛巳季夏七日王寵書 王履
吉印 玄印
微子

王雅宜書專師二王故其筆墨精絕無一毫塵俗之態

書此五詩時年甫二十有八耳而詩辭筆法皆非諸人

可及况去之五十餘年其名益盛其書益少若此卷者

可珍重也 萬曆丁丑七月晦日書於耆英堂 茂

苑文嘉 肇錫余
以嘉名 文嘉
休承

所見書畫 卷五 二十四 裱烟閣

雅宜書學醉法二王而是卷獨探大令玄奧至於過此
十年益不可窺矣沈生家所藏真草甚多迺見文仲子
所不覺有感識之 周祖 宗道

又王雅宜行書立軸

紙本高三尺六寸三分潤八寸二分王弇州稱其
詩好建安三謝盛唐文學遷固書摹永興大令

楚人誇七澤未許勝三吳秋水澄雲漢蓮花挿画圖歌
敲宜緩權酒興豁平湖借問高陽侶還留舊態無 王

寵

大雅堂

王履吉印

山仲

石湖精舍圖書

又王雅宜贈錢漕湖 入林屋洞二詩卷

皆紙本書烏絲書贈漕湖詩高七寸八分長七尺
七寸三分既書一紙送漕湖又書此以自怡故有

大雅堂王氏藏印漕湖名貴成弘間孝廉出身載
吳郡志林屋洞詩高七寸三分長二尺六寸一分

春明門外玉河橋軒騎如龍半下朝總道羣公餞光祿

山林鐘鼎各逍遙 太常曾奏數行書野鶴山雞只自

如玉冊金章先使節赤墀青瑣夢蘧廬 二羨殺漕湖

即鏡湖桃花流水入虛無南歸不向君王乞元是滄浪

舊釣徒 三芙蓉關下解朝衣白石山中長蕨薇借問季

鷹思玉鱠何如方朔隱金扉 四漢主龍飛乘紫蜺嚴生

苦憶桐廬谿錦袍不易羊裘煖一壑應將千乘齊 五濁

酒一杯琴一曲園書千卷竹千竿江東自古多古逸不

見吳門梁伯鸞 六天下山川數會稽千巖萬壑使人迷

黃冠勅賜雲霞主別有仙書降紫泥七稜稜骨相稱山
川流水閑雲淨道心芝草琅玕能久壽洞天福地令投
簪八玄晏先生好著書嬾心久與市朝疎君看黃鶴冥
冥去肯羨群鴉腐鼠餘九寵也江湖落魄生玄心數夢
采真行何時共隱屏風疊騎二茅龍朝太清十右贈錢
漕湖光祿十首丙戌夏四月十又九日書於石湖別業
雅宜山人王寵香山 王氏大雅 草堂 堂珍藏 之印 王寵 雅宜 山人
入林屋洞 白鶴已仙去碧山遺寶符齋心如靈闕企
石窺清都雲堂撐裊柱百人可跣趺白玉斲隆棟青蓮
綴流蘇昔人煉玉處林第鬱金鋪石乳累而長交錯如

珊瑚蛇行屢迴互磬折窺有無恨乏稽生識鳥篆空模
糊時聞神鉦鳴地底越江湖冥濛翳日月窈窕通蓬壺
悠然逐雲卧心將天與徒羽毛如可就千載有龍徂
丁亥秋七月既望雅宜山人王寵書於石湖草堂

大雅堂 王履 吉印 山仲 石湖精舍圖書

又王雅宜贈錢漕湖詩卷

水綠色紙本高八寸四分長三尺四寸六分此送漕湖之一紙其詩即前十首不錄錄其前後款識

敬贈漕湖光祿先生還山十首 嘉靖丙戌夏四月十

有九日雅宜山人王寵頌首具藁大雅堂 王履 雅宜 韡 吉印 山人 齋

明王少谿像卷

像與後詩皆紙本像高七寸五分長尺二寸三分表
尚之張幼于詩高守六分長九尺六寸五分尚之題
像幼于錄平日之詩少谿名延陵字子永文恪公
鏊季子廕為中書舍人風流好事有春社編詩曰
王中舍集游戲丹青亦有可觀在岳岱今雨瑤華
編中尚之累試不第一意汲古以宋刻書重勘行
書稱善本張太學獻翼一名救年十六贖文待詔
即重之十年中箋注三易後任挾狂態百出盜殺

少谿先生小像

嘉靖戊午震泉山黃彪繪

黃印申文

華硯精良
人生一樂

黃彪

奉題少谿內翰畫像

三槐遺澤擅當時竇桂芬芳第

幾枝盤谷未應歸李愿輞川會復見王維寰中歲月道

遙樂物外烟霞坐卧竒指點画圖看不足歡遊真許百

年期 汝郡表裝

朝槿軒

表氏尚之

謝湖

鳳皇池上鳳皇毛薇省為郎意色高南國詞華青玉案

東山薜荔白雲袍圖書畫是烟霞氣賓客偏多湖海豪

總羨玄成誰得似不應家世佩屨刀右贈中翰王公夫容花叢

滿金塘几席都浮菡萏香月未成旬風更雨夏不去時

秋日涼折取芰荷堪製服笑聽采蓮還度曲纖柯引綠

并分紅集水為珠露成玉昨夜雙星已渡河人間嗚呼

別離多朝霞流景誰相待池上花前且放歌右七月八日帶雨過

王中翰池館賞蓮仙禽曾控王子喬鸞皇接翼同孤高蕙帳終

空出吳市千里一舉凌丹霄網羅却笑餘聲聞延佇堦

墀猶得性孤鳴夜半聲更竒獨舞霜前色逾淨敢謂雲

中似邴原不向林間餉支遁主人馴養多歲年就新去
 故仍留連連聲並翼欣有託翱翔別赴私自憐水質風
 翎誇介鳥集君華池啄君稻飛來五里一徘徊長吸風
 前立霜曉翩翩磊落恥雞群寂寂低昂厭鷺飽高標遠
 致何冥冥顧影支離似客星六翮養成霄漢遠卑栖常
 唼太湖萍右謝王中翰貽孤鶴曲宴清池上夫蓉映落霞社中聊
 命酒幕下別成花蓮影千重亂荷香一逕賒紅芳在庭
 戶不用涉江沙 雲錦麗銀塘香風送晚涼茶堪居士
 服花棄美人粧康樂才難盡靈均意未忘座中時度曲
 兹夕棹歌長右王舍人招看池蓮二首高館清池上臨流此送君吏

情王逸少詩句鮑叅軍花帶江南雨尊連冀北雲相看

春欲暮誰不戀餘氛右同皇甫司勳蔣少叅集王中翰園亭餞費叅軍北上獨遊

雖信美心賞更誰親山遠常粘翠花飛不受春懷思者

舊傳來往越鄉人貫得餘杭酒將歸醉浹旬右答王中翰西湖見

寄剡水君移棹吳峯我竄身舊遊千里駕狂客四明人

長夜非荒宴窮途是密親碧山雖已謝猶駐鳳池春右仲

夏同皇甫司勳劉憲僉周文學孫指使集王中翰贈戴仲德自爾風流盡空餘一草堂

獨憐高士駕重到陸渾莊原上惟孤鶴枝間但白楊感

君懷舊賦揮涕憶山陽右答中翰公過先弟園廬感舊歲暮情逾切茱

萸色滿堂花枝日堪把林薄興何長十月春難盡三星

夜未央一尊芳意在不是為重陽右過子永文人行看菊同調眼

偏青詩情自入冥一時誇數子片語契千齡越水春隨

泛吳山晚共經襟期在丘壑車馬到林高雲彩奄今雨

風疎識聚星尊絲成興味蘭莖動芳馨投跡人間世論

心座右銘停杯且莫去秋老夕陽亭右呂祠部同子永王老先生見過今

得亭歲時談笑與君同心在長林意不窮開逕松杉淹

舊雨滿堂絲竹醉春風斜陽草綠詩情裏首夏雲深宴

喜中高卧幾曾虛卜夜館娃歌處是江東右集王中翰第宅今韻得

風門下士張救張仲張氏張獻不可無一

明宋比玉婁江欲雪圖卷

組本水墨高七寸九分零長三尺五寸五分零寫江灘村落幽微澹遠直接雲林小隸書款

婁江欲雪樹不動千家百家斷畫哄離人夜半掩蓬窗

懷君屢作膠城夢閑盃此卷在予舟中半月矣長至

后三日泊吳門呵凍畫并題宋比玉之印

婁江欲雪我曾經日暮凝寒風略停酒旆盡收門盡閉

滿船淒楚倚沙汀一片荒寒腕底收宋君墨妙世長

留文人能事知難量萬變千奇在筆頭浪遊還憶

廿年前夜夜圍爐蕭管筵取是歡娛容易散雪天歸路

滯江邊聽松山人題於採蓮涇上之吟素樓

明閨秀趙端容梅蘭芝草袖珍冊

紙本水墨高四寸零濶一寸對摺文待詔四世孫
女父從簡遠趙凡夫子靈均性明慧所見幽花異
卉小蟲怪蝶信筆渲染得千種名寒山草木昆蟲
狀摹內府本草千種千日而就更有湘君等圖

蘭芳玉潤

四篆書在引首想出靈均
蘭七幅每二幅芝一幅每
幅有印記款在末幅蘭上

蘭二雁門端二趙氏文
文做容二文做端容
蘭印
端容
文做
容
梅印
喬菜
芝
貞
蕤

壬申十一月廿又八日天水趙氏文做畫

趙氏文做

壬申冬夜寒山蘭閣見研有餘墨內子文做篝燈寫叢

蘭雜以芝石梅枝生氣蕭疎覺有靜香亦山齋一時意

興為題以記之靈均書於小宛堂

趙均
字余白
靈均

又趙端容罌粟花立軸

絹本高三尺三寸三分濶一尺六寸九分積墨湖石
紫色罌粟一棵旁雜金萱一叢篆字款

丁卯仲冬朔旦天水趙氏文做畫

趙氏
端容
文做
文端
蘭

又趙端容草花蜂蝶冊

絹本高六寸八分濶七寸八分俱着色觀此亦可見
昆蟲草木本草千種之一斑計八頁

虞美人
蝶三

金絲荷葉
花蜂二

金
野薔薇
彩蝶一

良薑花
蝶二
丹

紅蓼蜂
蝶二

月季彩蝶一
款在此幅

己巳五月既望天水趙氏

文做畫

趙

端

八幅俱此二印

明董文敏小楷書贈陳徵君眉公詩三十首冊

白宋紙三十二幅每幅高七寸濶三寸九分文敏
書真者恣有可取世重小楷以其罕也此冊寔精

贈陳仲醇徵君東余山居詩三十首
歸然耆舊表江

南余谷雲泉恣所探廣大代推風雅主蕭閑時共佛僧

龕空庭籟起聞吹萬月幌杯深對影三苦為山靈驅俗
駕肯容城市訝蘇耽 文伯頑仙儘自兼何須黃紙署
名銜山開窈窕藏書洞徑翳荒榛避詔巖老衲或來煨
榾柮橐駝嘗倩護松杉雖然豪氣屏除盡閒詠荆軻未
是緘 百感中來不自拈側身西望余峰共論交雲雨
今方見閱世陽秋晚更嚴危語逼人何咄咄大言是處
可炎炎聞君近發琅函祕已展紅牙第幾籤 名僧會
裏事瞿曇能結孤峯白石菴河伯謾誇聞道百祖公何
意賦朝三清華水木如濠上弘獎風流自汝南却笑昔
人高士傳不將同世一為叅 無限離離杞楠樹猶

如此爾何堪煙波狎主誰爭長山澤雖臞已戰酣絕域
也知珍尺一高軒奚事謬朝三猶嫌住久人知處見說
游鯤欲徙南 玄味曾同草木叅廿年相對老江潭竹
林把辭今餘幾蓮社過橋笑有三贈我綺琴都不報求
君青李遠能函故人差喜彭錢在金鼎瓊文事可諳
當年遊宿徧名藍紫柏禪師奉塵談受記可稱千佛一
論文曾許兩都三應將綺語卑江左直遯宗風自嶺南
莫訝繩床留半席庭前樹子早同叅 餐取峯霞坐翠
嵐雲根剝出小終南窓懸虛室常生白帖做蕭齋欲過
藍山長舊來鴻自乙市喧還笑虎成三應憐惠子能知

我雅道寥寥有荷擔 筠笠扁舟白馬談浮生忽已鬢
繆穉無能九土游其八不朽千秋共此三曲水竹林分
左右青山賓主列東南此中但可吟風月百尺陳樓一
草菴 端居突兀起昆崑是處清涼現鉢曇漱石更兼
芳潤六御風時見素靈三綵天騰有書經茶碧澗疏為
洗硯潭身隱無文真用短試看碑板大江南 窪盈軒
畫為誰拈着配倪迂也自謙枯木悠悠憑隱几芙蓉片
片見開簾即今呼馬能無應但說猶龍好用潛養鶴栽
梅成底事未曾驅役老長髯 清時豈有放江潭故里
風烟不可堪已分浮家茗雪曲憶曾對宇峴亭南人間

鳥道丸封一世事桑田海閱三徧性幽栖真不惡驪珠
先已被君探 誰言司馬滯周南若比稽康更不堪筆
綵愧開花七七樵青嘗掃徑三三多君素業尋塢壤何
物閑勲抵石函如此桓盤成二老北山安得有林慙
徵君名姓徹宸嚴谷飲巖棲寶不貪稱意沙鷗隨上下
論才竹箭羨東南盪胸震澤吞能九開徑紫桑益有三
儘為草堂拈勝槩留將山史作佳談 頌酒深衷豈放
慙二豪何以視耽耽將因巢許為師友自與羲皇作子
男清淺錦機襄轉七縱橫雅爵醉揮三孝標雖有傷時
論未見山中此盍簪 鍾牙緬邈別家慙試向瑤琴古

調叅懷友經春哦渭北教見當日笑城南夢中蝴蝶花
光濕池裏蟾蜍墨霧含隻鶴畸人形共影故應待我品
為三 洗耳應停朝市談憂時詞客未為慙遙聞羽檄
飛遼左何日穹廬掃漠南虜豹愁人關自九馬牛更僕
語成三希夷居士今如在高枕高歌莫太慙 瑶草金
光向此探我來風日正清酣夷門布席恒虛左粟里懸
旌故倚南竟有聲名輸第五耻將禪草說登三可知嘉
遜能終吉龜筮何勞季主叅 平生揮麈解圍談名理
尤從老境諳得失渾忘聞塞上春秋成癖比征南潛虛
程用龍初九忌滿何如月出三可道太玄猶窈冥好玄

今已有桓譚 十載村居傍釀壘村農村姥得相叅玉
壺觀世龜藏六竹簡讐書豕渡三只見陶公怡嶺上誰
知劍客是圖南近來寶晉先王畧不作蘭亭聚訟談
今古閑愁了不擔偷然方內有鸞駮谷名子午真盈一
坐守庚申不但三處士占星常斗北詩家挹酒或箕南
為君署取涼心館若個游人肯細叅 為事丹鉛不種
藍閑將草木志雞舍斬新松傲秦封五娟秀花開少室
三流咏須臾成洛下徵函蚤晚詔江南憑君醉舞迴雙
袖長泚驅為拾月潭 忽憶驅車過楚潭德山猶有德
山菴岩堯鷲嶺銜天丰直截牛車見佛三般若無知傳

教外菩提非樹本宗南前身金粟維摩是丈室相看已罷
叅 漸剪茅茨漸卓菴圖書成府亦潭潭詞壇懸懺多
奔北古路先驅作指南常有玉晨咨賚十未聞石戶羨
徵三比來門外維舟慣不為乘風利涉貪 別有超超
上駟駢拈來空似老僧談逍遙不必溟飛北炳蔚端成
霧隱南擲地賦聲如振萬先天玄理自函三枕中一卷
庖羲易程覺王何思未覃 憶昔論交自篠駉雖更出
處豈商叅阮家犢鼻貧驕北先世孤書史愧南豈有風
流分仲二羞憐骨相共朋三壯君筆力能扛鼎不為清
羸弛負擔 山叟從無對影慙科頭露坐過仍甘闕情

空谷腸迴九絕意王門足剛三草什忘憂多樹北風能
解愠自來南暝塵不上清虛界酒德文星日共酣 東
軒曝背語成函一飯忘君未可甘主帥窮兵真計左敵
人牧馬漸過南沙場白骨高尋丈御府朱提豈再三却
把國殤連太乙九歌深意許誰叅 誓比黃河開國男
酬息金印肘邊懸鏡中魚鳥頻虛伍笛裏梅花漫奏三
美醬幾時陳戲下藁砧何在詠扶南翻慙梁父行吟者
絕塞山川聚末談 滿貯詩囊不待探風流勝賞事偏
諳寄愁直欲還天上招隱時聞過水南有橘可能摘楚
頌無花大顛說燕函凭高輒吐驚人句為道平生僻性

鮑 丙子二月書

其昌

昌

董 玄宰

又董文敏大行書贈陳眉公詩三十首之四卷

鏡老宣德紙二幅每幅高七寸五分長三尺寸第一幅書前冊中今古閑愁了不擔誓比黃河開國男二詩第二幅書前冊中山叟從無對影慙別有超超上駟駢二詩皆不錄錄其前後二款跋亦宣紙

寄陳眉公

董其昌

董 玄宰

太史 氏

同前二首俱為陳徵君作己未秋七月之望後二日其

昌識

董氏 玄宰

董印 其昌

董文敏書秀宕中饒有蒼勁不獨一掃元人習氣明三百年中無有敵手往往於鏡面箋尤為合作此卷前後書七言律四首如青天白雲舒卷自在戒翁前輩携以

相示共為擊節因付重裝跋之卷末康熙戊寅十月十

九日寒雨撲堦木葉未脫籬邊殘菊正佳江村高士奇

士 高 奇 澹人

竹窗 北野

筆硯精良 人生一樂

又董文敏重脩宋忠武岳鄂王精忠祠記冊



白宋紙十三幅又餘素三幅每幅高六寸七分濶三寸零八分每幅畫烏絲五行

湯陰縣重脩宋忠武岳鄂王精忠祠記 錢塘之祠鄂

王也報忠也湯陰之祠鄂王也旌忠也報忠者前宋之

蓋愆旌忠者我明之勵世戡亂之時表章尤急雖非借

才於異代寔可激耻於懦夫此楊侯重脩鄂王祠意也

慨自東陲匪初以來國家之用兵五載矣三聖相承非

如宣和靖康之季

非

之雄一尉

候混車書非若瑣尾偏安之勢然而糜軍興以千百萬計徵戍卒以數十萬計而塞旗罔效輿尸屢聞至於全軍覆沒全淪喪猶緩失地之誅而錄死事之節祀之京師記之盟府一何厚也假令戰功如王親對敵壘者六十有八運壽命將者五十有八常以兵五百八百敵五十萬七十萬用少擊衆迄無挫衄則又何以寵異之哉乃王之得禍何酷宋之負王又何慘礪也蓋王之建功所繇有八一曰忠涇膚激烈揮涕誓師二曰虛群策畢收食客常滿三曰整兵所往來草葦不亂四曰廉不

私藏一錢籍其家僅九千緡五曰公小善必賞小過必罰待數千萬人如待一人六曰定大敵猝撼難於撼山七曰選能背嵬五百一皆當百八曰不貪功功率推與其下雖子雲之勝抑而不列嗟乎趙營平為後事師竇車騎作百世楷祀典所謂法施於民孰大是者而死事定國禦灾捍患猶細故也今之為將者以王之事為法今之擇將者以王之事求之於鞭撻何有嗟乎湯陰自朱仙績廢而久王之孤憤所千載而不瞑者也自二祖廓清而山川草木皆有驕色王之顧報所千載而不忘者也重以廟貌之崇嚴殺蒸之蠲潔冥冥

之中豈無有式靈我將吏默相我膚功
 者乎是役也楊侯一以祈神休一以樹將鵠蓋桶瓦
 皆金湯而丹雘為帶礪也侯之為政可謂知所重矣祠
 創於徐武功以詞臣奉使時茲侯脩祠工竣而予亦以
 奉使至予與武功同吳人官同講讀侯以為不偶然也
 請予作記記之如此 此壬戌九月奉使往留都搜輯
 遺書過湯陰作也途中無研削之地至大梁始書碑貽
 楊侯刻石其真本則大中丞馮公從楊侯索去收藏於
 家甲子夏書此册長安多蠅與塵沙為墨讐不數行即
 閣筆今日過清源天氣輕陰檢顏魯公爭坐位帖覺有

所會遂能終之天啓五年歲在乙丑三月之望 思翁

又董文敏縮本山水袖珍册

宣德紙本每幅高五寸三分濶三寸六分皆水墨真芥子見須彌也無題詠各留字有王奉嘗藏印

玄宰

玄宰畫

王時敏印

董玄宰

玄宰

之遜

玄宰

玄宰

王時敏印

玄宰

玄宰

王時敏印

文敏於短小册作殘山剩水筆墨酣放烟雲滅沒儼然
 具萬里勢真得簡淡高久之致余購藏之已二十餘年
 適石谷兄過小齋見之歎賞不置遂以貽之非但高山

流水得遇賞音其氣韻正相類也戊申長夏王時敏題

西廬

王印 時敏

烟客

文敏每過京口必館於張氏園亭所作小幅戲墨最多

余時從友人則之借觀愛其題跋蠅頭細書未忍釋手

即文敏當日亦殊自為珍重也此冊墨法天真幽澹與

張氏收藏極相類烟客石谷兩公之爭賞有以也夫江

上外史宣在辛漫識

鷺池閣

江上 外史

重印 重光

又董文敏小楷做洞庭力命王潤三帖冊

白宋紙袖珍每幅高五寸一分潤二寸九分思翁自跋亦小楷江村跋亦小楷共二十五幅餘素幅

繇白昨疏還示知憂虞復深遂積疾苦何迺爾耶蓋張

樂於洞庭之野鳥聞而高飛魚聞而深潛豈絲磬之響

雲英之奏非耶此所愛有殊所樂迺異君能審已而恕

物則常無所結滯矣繇白

高澗

朗潤 堂印

臣繇言力命之用以無所立幃幄之謀而又愚耄聖恩

但徊待以殊禮天下已定帥士欣戴唯有江東當少留

思既與上公同見訪問昨日讌見復蒙速及雖緣詔令

陳其愚心而臣所懷造昧之事昔先帝嘗以事及臣遣

侍中王粲杜襲就問臣所懷未盡真益絲髮乞使侍中

與臣議之臣不勝愚款悽之情謹表陳聞臣繇誠惶

誠恐頓首頓首死罪死罪

晉時王廙專師鍾書及右軍出乃奪其名所謂小兒不
愛家雞唯好野鶩者然右軍雖變鍾法不若世將之顛
門鍾法中故元時吾衍於閣帖只取四帖謂王世將二
表及皇象張芝章草二帖右軍父子不與也昔人精鑒
如此 董其昌

董尚書臨鍾太傅二帖與官奴帖俱刻玉烟堂筆法道
媚較平時所書尤覺精彩康熙庚午十一月余往虎林
攜此二冊自隨蓬窓朝夕觀覽似有會心惜余多病杜
門未得浮家泛宅於五湖煙水間尚愧米家書畫船也
時霜清氣肅黃葉滿林舟行謝村道中書抱瓮翁高士

奇

江村
秘藏

菊澗

右軍官奴帖真蹟

此帖畧帶行字
亦畧大

官奴小女玉潤病來十餘日了不令民知昨來忽發癩
至今轉篤又苦頭癰以潰尚不足憂痼病少有差憂
之焦心良不可言頃者艱疾未之有良由民為家長不
能剋己懃脩訓化上下多犯科誡以至於此民唯歸誠
待罪而已此非復常言常辭想官奴辭以具不復多白
上負道德下愧先生夫復何言

此帖在淳熙秘閣續刻米元章所謂絕似蘭亭叙昔年
見之南都曾記其筆法於米帖曰字字騫翥勢奇而反

正藏鋒畏鐵道勁蕭遠庶幾為之傳神已聞為海上潘
方伯所得又復歸王元美王以貽余座師新安許文穆
公文穆傳之少子胄君一武弁借觀因轉售之今為吳
太學用卿所藏頃於吳門出示余快余二十餘年積想
遂臨此本云抑余二十餘年時書此帖茲對真蹟豁然
有會蓋漸頓證非一朝夕假令當時力能致之不經
苦心懸念未必契真懷素有言豁焉心胸頓釋凝滯今
日之謂也時戊申十月十有三日舟行朱涇道中其昌
文敏公臨玉潤帖筆力圓秀深得晉人奧妙其自跋云
二十餘年積想臨此又云不經苦心懸念未必契真前

賢成名良不易也 高士奇 康熙庚午仲冬九月舟

行塘西道中 瓶廬

閱裏弄
澹中滋味

省
堂

朗潤
堂印

又董文敏楷書項墨林墓志銘冊

宣紙本連跋四十幅每幅高七寸三分潤三寸八
分每幅烏絲三行眉公跋中是卷今截斷為冊

明故墨林項公墓誌銘 陶隱居論書曰不為無益

之事何以悅有涯之生世無達人鮮知其解其在攜李
項子京乎公蒙世業富貴利達非其好也盡以收金石
遺文圖繪名蹟凡斷幀隻行志翰公門雖未芾之書畫
船李公麟之洗玉池不啻也而世遂以元章伯時目公
之為人此何足以知公元章論書以端明為畫字蔡卞

為得華伯時故游蘇門蘇助之羽翅黨事起尋負之一
死一生之際豈有達人之觀哉子京夷然大雅自遠權
勢所與游皆風韻名流翰墨時望如文壽承休承陳淳
父彭孔嘉豐道生輩或把臂過從或遺書問評淡水之
誼久而彌篤此外則寧狎飛鳧弗親軒蓋郡守某以年
舊請見雖復倒屣殊乖鑿坏為數日不怡其介特如此
先是吳中好古之家浸尋疲於勢要搜括公以翰墨徇
徻竟歛世不為他嗜以故廉者不求貧者不顧人以是
服遠識繇斯以觀公之賢於元章伯時不已多乎公名
元汴字子京項之先汴人也以扈宋居秀胥山里為甲

族自襄毅公以來七葉貴盛有以孝廉令長葛者曰綱
綱生贈吏部郎銓銓有丈夫子三人長上林丞元淇次
東粵少叅薦壽公其季也少而穎敏十歲屬文不難究
其家學已念贈公既背養而太孺人苦節即仲致身至
塗不遑將母吾寧以青氈故重遠子舍宇於是絕意帖
括顓奉太宜人色養親自浣滌終身孺慕少叅公忠孝
大節公有助焉公居恒以儉為訓被服如寒暖如野老
婚嫁讌會諸所經費皆有常度至於贍族賑窮緩急非
罪咸出人望外曰吾自為節縮正有所用之也戊子歲
大稔飢民自分溝壑不恤扞綱公為捐廩作糜所全活

以巨萬郡縣議且上聞牢讓不應終不以為德市閭巷
聲有司益重之公雖蚤謝帖啤謂祖父遺經堂構斯在
不欲令子弟亦知達生之趣有六子各授一經嚴為程
課猶子孝廉夢原六齡失母鞠誨備至孝廉蔚為名儒
而諸子彬彬皆不愧王謝家風云公畫山水學元季黃
公望倪瓚尤醉心於倪得其勝趣每作縑素自題韻語
書法亦出入智永趙吳興絕無俗筆人爭傳購初稱墨
林居士皇甫子循作墨林賦以貽之晚年意在禪悅與
野衲遊曰感異夢更顏其齋為幻浮且手題桺檣比於
司空表聖之誌生壙者洵稱達人矣憶予為諸生時游

檇李公之長君德純寔為夙學以是日習於公公每稱
舉先輩風流及書法繪品上下千載較若列眉余永日
忘疲即公亦引為同味謂相見晚也公與配錢孺人歿
數十年而次君德成圖公不朽屬余以金石之事余受
交公父子間不可不謂知公者何敢以不文辭他若生
卒姻婭之詳子姪曾玄之屬具京山先生行狀中不復
載銘曰 易著謙吉老稱儉寶孰藉高明而甘枯槁孰
秉素心而事幽討今遊古初神傳象表越山嘯傲長水
潦倒清虛之鄉達人所保有嗇其躬施及國孳有朴其
容藝窮文巧死何如生大夢獨曉向平猶惑彭祖為天

史銘諸幽聊識其小舟登之藏壑白可攷馨

和香 海野 亭主 居士

墨林雅士名滿吳越間余此誌亦具其神照次孫相訪請余書且以鐫石亦王謝子弟家風也書此應之崇禎

八年乙亥子月董其昌題

宗伯 學士

董氏 玄宰

余垂髫時則耳墨林公名舊矣蓋節俠好義宏覽博物君子也恨不生當其時一接丰儀左執鞭弭右捧橐鞬以為缺陷乃幸得宗伯所撰志銘讀之儼然如見其人可謂三生石上舊姻緣矣如此佳文而又得名華書之可稱雙璧因題數語於尾以自託於蠅之附驥便足千秋耳范允臨書

允

長倩

禹揆 寶秘

墨林 季孫

山主 谿翹

墨林先生倪雲林顧阿瑛曹雲西之流也余欲縮為小傳如元時石刻而思翁先之其孫 即為流通可入

逸民史矣思翁此卷學楊少師悲花帖八十一書此大

竒大竒 陳總儒

陳印 總儒

又董文敏楷書趙應禎父子誥勅袖珍冊

硬黃紙五十四幅泥金雲龍每幅高五寸三分潤三寸餘其中微有大小不齊

奉天承運皇帝勅曰朕惟抱璞野處茹道之腴則垂纓

驅轂夷然不滑其中乃有人之自植者天必植之肆其

駿發於後也雖欲遺榮其將能乎爾贈文林郎直隸廣

平府永年縣知縣趙應禎乃南京浙江道監察御史志

孟之父性無町畦神遊曠達平疇烟雨率夫妻畊饁之
嘗沂水春風領童冠詠歸之趣雄辨爭竒白馬多能每
羨承蜩式好無猶不歌斗粟匪怒伊教爰授壁書澄懷
則葛天之民範俗顛太丘之長是以鳳采翔從千仞亦
且驄花霜重三秋茲仍階爾為文林郎南京浙江道監
察御史如子官勿謂爾儉於年爾子為名御史而不逮
見也立德者不朽進之益大爾門天庥尚永貴之
勅曰世談孟母則女史之積譽已若夫循其實而不欲
居其名杜德深衆抑又何以嘉之詩云鶴鳴九臯聲聞
於天潛而弗耀未之有也爾贈孺人任氏乃南京浙江

道監察御史趙志孟之母秀鍾世閱徽著母儀令範既
已宜家竒節尤堪表世天鑒血枯湘竹六七年冥眴頓
開夜聞警切香芸二十載辛勤罔懈孤貞徃矣寧知甘
節之心大義了然恥蹈趨名之習爰有丈夫之子為余
骨鯁之臣茲仍贈爾為孺人閔當年同穴之悲慰爾子
稱名之孝

奉天承運皇帝勅曰朕惟一人御世安能悉天下耳而
目之矧兩葉為蔽二豆為塞聰明又胡可恃乎御史簪
白筆題青橐以佐余見聞所不逮其在舊京風期稍隔
耳目之臣抑又重焉爾南京浙江道監察御史趙志孟

精神肅爽器識恢闓策射楓廷符分花縣三輔寔為股肱郡資驥足以高驅兩地弭曰神明君對冰心而自映以高等擢在南臺乃爾白簡凌秋丹忱揭日沉凝鎮物銷城社之遺奸慷慨陳謨得朝廷之大體豹尾臨而江城月曉浪息鯨鯢驚車指而原野春新綠盈桑柘瞻爾澄清之志深知經濟之材茲仍階爾為文林郎錫之勅命夫有守者可以執憲無私者可以開邪昔我高皇帝訂憲綱而申治人先自治之諭意在斯乎爾標表有素已頃對越孝陵益復凜然自勵以總察百司風紀其有賴焉勉爾貞臣朕將陟女

勅曰唱隨之義麗於陰陽夫亦曰白首相將耳若乃境遇既分於苑枯而滄桑倏變蔽仰願違結褵之感不亦深乎爾南京浙江道監御察史趙志孟妻魯氏少鍾淑惠美匹儒英涕破牛衣克勵篝燈之志顏承鶴髮每虔滂髓之供雖不假年庶幾有譽歎天桃之未實空付梁笥於後人羨列栢以成行尚分珈菲於夫子茲仍贈爾為孺人鼓悲風而絃斷泥仙露而草新

勅曰婦生而逸享初不知食貧之苦辛已乃其居逸而不自逸席豐而不有其豐則女士也良可為素絲之勗爾南京浙江道御史趙志孟繼妻楊氏嗣徽於前咸宜

爾室奎錡克允適以贊治於烹鮮杼軸勤操抑且增花
於製錦况乎中綦入宦筮鑰持家候昧旦以晨興韻調
寶瑟問明朝之封事聲振玉珂茲仍封爾為孺人疊分
鴈簡之光嘗被薦冠之采

崇禎六年 月 日華亭舊史董其昌敬書 宗伯董氏學士玄宰

唐人最重誥命每乞名公之能文而善書者為之開元
中加皇子榮王已下官誥宰相張九齡裴耀卿李林甫
朝士蕭嵩等十九人人書一通以進顏魯公所受誥及
贈誥皆自書朱巨川誥魯公書外尚有徐季海書明季
猶沿唐風獲董宗伯書誥為幸事今則出之中書不復

更求人書也此香光為趙侍御書字字挾風霜之肅乃

晚年得意之作朴楚老人陸恬 陸恬大 翠花軒 淳

又董文敏小赤壁圖小楷小赤壁詩之軸

絹本設色高尺寸六分濶尺零分上另絹濶同畫
高寸四分小楷書小赤壁詩于上跋楷更小

赤壁招隱圖為君策兄畫董玄宰 董印 太史氏

吾松山有九皆以海為沼東海既以大赤壁何當小風

穴閱精靈雲門削鬼巧口鼻闔嶙峋鱗甲呈嬌夭雖無

須彌觀未可培塿少而我游齊安何曾陵窈窕時平兵

氣消霜落江聲悄回思平原鶴誰是榆枋鳥恰如黃池

會吳楚爭可了將無山岳靈恥彼里兒狡歸語東陽生

扶筇事幽討石言曾莫逞辟觀共枯槁田成球琳賦屋
用辛夷撩太守握紅雲冠被山容好賦家爭激揚輜史
正顛倒嘉名公等錫一徑從余保手寫大江詞峨岷雪
可掃敢應北山招終事東坡老 吾松有小志壁與黃
州赤壁大小寔相埒不知何事辱之為小因沈徵士繪
圖遂賦此詩為茲山解嘲云 雨中過君策齋頭君策
方以吳綃熨綴泉石有張子淵自白岳至携松蘿茶與
君策畸墅茶鬪勝君策呼酒左之永日無俗子面目君
策強余畫為画此圖并書赤壁詩詩書画皆索君策和
之壬寅夏五董其昌識

董印
其昌

沈公緒欲鑄東坡像

於赤壁山房屬余書大江東去詞鐫於石末句及之然
鑄東坡何必赤壁陸家畸墅合看此公與內史相酬也
又董文敏行書立軸

宣紙本高四尺七寸三分潤一尺四寸字大寸許
有高老之致兼取收藏潔淨

山光凝翠川容如畫名都自古并州簫鼓沸天弓刀似
水連營十萬豨貅金騎走長楸少年人一錦帶吳鉤
路入榆關雁飛汾水正宜秋 追思昔風流有儒將醉
吟才子狂遊松偃舊亭城高故國空餘舞柳歌樓方面
倚賢侯便恐為霖雨歸去難留好向西溪恣攜絃管宴
蘭舟

其昌書

宗伯
學士

董玄
宰

又董文敏做米元暉瀟湘圖立軸

宣紙高三尺七寸五分濶一尺四寸五分發墨山水能令觀者驚心動魄

山中宰相有仙骨坐愛嶺頭生白雲壁張此畫定驚倒

先請倩人扶着君 米元暉侍郎自題所作瀟湘圖因

做畫并書 其昌 太史 董 貞 清華 墨花禪語 石氏賞印

又董文敏行書西湖泛舟詩立軸

宣紙高四尺零九分濶一尺五寸三分收藏得地無論書法之妙即墨光紙彩已奕奕動人

花源神界啟香海沃焦浮得似鍾期賞相將少伯舟捲

簾延遠岫催檣度飛樓有客恒觀鷗諸君頗下鷗節憐

青女候人畫墨卿流梅嶼寧迴駕漁莊可借籌調刀聞

爽籟欸乃間清謳繁露憑搖筆行雲逐轉喉 真跡亦誤

醪醕中聖趣籬落野夫謀鐘寂蓮花土燈疎杜若洲亦

知秋凜在多為夕佳留欲續龍山會惟須秉燭游 九

月八日同范長倩朱君采董遐周西湖泛舟酬遐周韻

董其昌 太史 董氏 玄宰

又董文敏做黃子久山水立軸

宣德紙本高四尺五分濶一尺四寸九分畧用鈎勒法真巨觀也水墨

此做黃子久畫法畫於吾家二十冊中深所愛惜經年

扃鑰不復臨摹若臨摹尚不止此玄宰 董 雲間王鴻 玄宰 緒鑿定印

又董文敏效蘇體行楷書謙父詞立軸

宣德紙本高四尺六寸五分濶一尺二寸五分烏絲四行字六寸許端莊雜劉離劉健含婀娜

壺山居士未老心先懶愛學道人家辨竹几蒲團茗椀

青山可買小結屋三間開一徑俯清谿松菊栽教滿

客來便請隨意家常飯若肯小留連更濁酒三杯兩碗

吟詩度曲風月任招呼身外事不關心自有天公管

宋謙父詞丙子六月雨後弄筆

思翁

又董文敏做大癡山水立軸

宣德紙本高三尺八寸六分濶一尺五寸二分亦用潑墨法雄壯渾融安得不推為大家

余為黃子久筆在數年內漫興為多往欲馳驟宋人頗薄元四家竟有孔北海志大才疎之悔

董玄宰

宗伯 董氏 獅乳 墨花禪語石 學士 玄宰 翁 氏珍藏圖書

又董文敏行書池上篇冊

宣紙共十六幅每幅高六寸濶四寸收藏如新文敏書池上篇最多此為上乘池上篇不錄錄其款識

白香山池上篇其所謂十畝之宅五畝之園似亦人所

易辨第識分知足為難耳董其昌 玄賞齋 董印 青宮 其昌 太保

又董文敏為王奉嘗畫山水立軸

宣德紙高三尺八寸濶一尺四寸二分水墨力能扛鼎乃狗知出色之作

遜之尚寶以此紙屬畫經年漫應非繇老懶每見其近

作氣韻冲夷動合古法已入黃癡倪迂之室令人氣集

耳因題詩一絕云曾叅秋水篇懶寫名山照無佛地稱

尊大方家見笑已已又四月廿一日青龍江舟次其昌

似遜之老親家正

董印其昌

王時敏印

又董文敏行書兵部左侍郎節寰袁公行狀四冊

宣德高麗紙分元亨利貞四冊元冊三十七頁亨冊四十一頁利冊四十二頁貞冊三十一頁每幅高六寸六分潤四寸三分每幅烏絲三行考明史無節寰列傳想思翁亦以同年而溢美重其書略其文可也

都察院右僉都御史巡撫登萊備兵防海贊理兵餉建威消盟紀功盟府有文麟未提之賜又以平蓮妖功晉秩少司馬榮寵甚盛乃七疏自免歸越一歲用廷推再起兵部右侍郎歷陞本部左侍郎又俞旨准辭本身誥命皇上登極銓部列公名起廢冊中計公出處之際其

道猶龍海內想聞風節望其乘時大展應聖主求舊之

意而公不待矣嗚呼哀哉念其昌與公同舉於蘭陽陸

宗伯先生之門更有秦中武公閩中林公皆以不善宦

登籍四十六年居朝僅十二載而碩果不食班聯六卿

有足異者雖天涯契濶合并恒難要以風義交情皎如

白日知公者宜莫如昌是固伯子司農樞千里徵狀意

也何忍辭公諱可立字禮鄉別號節寰上世鳳陽人也

始祖榮洪武二年以戰功授睢陽百戶因家焉世有隱

德至高祖鑰以歲薦任陝西韓城教諭生二子長永綬

貢士次永康生五子曰江曰淮曰河曰維曰渭淮則公

之考也公生而蚤慧與群兒嬉戲即為登壇部署兵馬
狀人共竒之七歲就外傳受毛詩又受禮記十一歲始
專治尚書文彩彬蔚十九是為萬曆八年庚辰學使者
衷簡肅公拔入黌宮能自刻勵以豪傑自命從問業者
雲集稍資束脩以供甘寤戊子舉於鄉己丑成進士除
蘓州府理官蘇故海內大郡機巧成俗府史胥徒之屬
善陰陽上官百相欺也即座師陸公為公慮之公乃少
年盛氣以釐奸為已任司空城旦之牒一成於手每老
吏挹牘以進中藏隱情不可致詰公一覽立得籍甚神
君訖威訖富之譽為江南冠矣直指使者按部必檄公

相隨有所咨決不惜十反湖州董宗伯家連松陵為亂
民所困激且為變中丞臺皇遽無措檄公往解散公至
即盡收訟牒委各邑理之以殺其勢而徐取倡亂不情
者寘之法民變遂定會浙有直指好擊斷名逼一大司
成自盡事聞神宗震怒直指鉅鎗受辱中丞亦鐫秩去
於是始服公之遠識焉時海上倭警戒嚴吳中豪子弟
王士驩喬一琦輩見事風生爭言招募自保羣不逞鮮
衣怒馬矐目語難招搖都市遂有告其謀叛者而臺密
詢之公公深明其不然四郡會讞卒無事實因以妖言
抵罪尋見釋微公持正此數輩者族矣郡守石公崑玉

廉而抗直忤中丞臺露章劾之事下四郡李官評公為
秉筆乃盡雪其誣同官懼公曰吾不能以真是非佐上
官喜怒有獨任怨耳中丞恨其不附已自劾去以揭徧
毀公而各臺察更以此重公得首薦公雖深於經術乎
而子史之外於三略九章之書靡所不闕又精騎射劍
術以故治兵兵練治賦賦理較士士服其甲乙如故相
周公道登繆公昌期皆公所賞譽無虛美而海上有報
生擒倭二十人夷器若干將上功幕府皆烏語不可辨
公先於一武弁所見三刀是玩球物而夷器無異遂羈
之吳縣已玩球貢使至始知彼國有糧艘飄墮者入數

合乃縱之歸公之大事化無事類此乙未以循卓台初
擬掖垣有林黃門曾以使事過吳外吏多伏謁公但長
揖不拜為所銜極力阻抑得授山西道御史公自履西
臺益自發舒慷慨譚天下事巡視西城有閹宦殺人者
即重箠問担人言此閹弄臣也公曰殺人者死朝廷法
也吾為朝廷守之即弄臣可脫乎元冊既而果得中旨
赦去長安稱真御史矣時方以言起廢為忌公獨抗疏
曰近年以來議論繁多言詞激切致干聖怒動見廢斥
不止百十餘人此皆皇上詢事考言布之言路以贊鴻
業者槩目之為賣直為沽名夫賣直者退則不直者進

兩見書
沽名者斥則毀名者庸生民休戚百官邪正誰復為皇
上言者國是日非可畏矣疏上奪俸一年是歲九月雷
震景德殿公復條陳闕政若郊視不親朝講久廢章奏
之批荅不時官府之賞罰互異叙遷有轉石之艱征歛
有竭澤之怨是非倒置賢奸混淆究使忠者含冤直者
抱憤豈應天之實乎疏上留中又因其御史觸怒輔臣
以他事聳上怒將廷杖嚴譴諸御史共詣輔臣求其申
救輔臣以聖意為解公於末座笑呼之曰特相公不肯
抹耳衆皆愕眙公夷然不屑論益剴直輔臣目之曰末
座白哲者何人知為公思有以中乃於十二月降旨降

三級調外任用因吏部疏抹於丙申正月奉旨降雜職
邊方用因輔臣疏抹奉旨草職為民公方與同官奕聞
報從容斂枯棋入奩起無變色策蹇出長安門衆共惜
之歸時兩尊人皆黑頭奉膝下歡極當年之樂又以暇
日究心典籍經史諸子旁逮稗官小說靡不畢綜尤深
左傳有征南僻且拉同鄉傳同鄉輩結社賦詩歲久成
帙予所為序弗告集者也辛丑太夫人寢疾公長跪瞻
視手進藥醫者萬方晝夜不解帶竟不起含歛之夕慟
幾滅性三日水漿不入口姻戚無不感動次年封公捐
館亦如之寢苦卧塊絕跡公府惟鄉邦利病殫心區畫

為當事者盡言若睢新舊二城堆堞樓臺歲加萬厚屹
然大觀以至通邑差徭驛遞之繁累賦役預征之新規
皆與大司農李忠敏公斟酌損益上之西臺著為絜令
士民賴之福藩之國睢具輿馬夫役倍於他邑又議協
濟三百人非制也公為白於衛輝府何公已之其為德
於鄉如此戊午 之變開原失守公捐貲五百金為
同州急公者倡共得二千八百三十餘兩他郡慕義樂
輸者始相繼應之蓋臣忠薦之慮豈以家食少寬哉里
居廿六年三推御史不報臺省交章薦起者踵至公抗
志遺榮泊如也先廟元年庚申八月召拜尚寶司司丞

抽去一頁

辛酉二月陞本司司丞五月奉使本省祭告山陵七月
即其家陞太僕寺少卿本年冬還朝適值全 陷沒即
條上急務七事一收殘兵以省調募河西之兵雖敗其
逃至關外者尚復數萬若拒之不納必為 用是藉寇
兵也近復議調西兵曠日持久何資涸轍宜盡數容其
入關馭以恩威稍汰老弱收轉敗為**功**之效一出奇兵
以圖制勝頃者 悉眾而來令婦女登城防守則其
精銳已盡在河西矣宜急勅登萊撫臣督兵過海會毛
文龍梁之垣等乘虛搗 絕其餉道使 力有所分不
敢乘勝深入法曰攻其必拔也一明賞罰以振法紀威

克厥愛兵家所躋道臣高出等失地喪師抱頭鼠竄一
逃再逃誠法所不赦者乃聽熊廷弼之請既逮旋釋復
使監軍尤為佚罰且論劾廷弼之臣反褫其職國法謂
何所當急斬逃臣還逐臣則賞罰大明而戡亂之策可
次第舉也一慎防守以固封疆河西既失則 之門
戶當嚴本兵既出視師當遂駐鎮 調集附近諸軍
列營關外又至 抵都門置重兵數處勢相聯絡如
常山率然以便策應則藩屏固而神京可以不搖也一
實京營以固根本按籍而數之營兵不可謂不多矣事
畢然或為役占或為包攬聚如烏合散若魚驚其精強

可用者十之一二耳宜及此設法覈其實數分為上中
二等嚴加訓練上者以戰中者以守餉亦因之庶幾緩
急可賴也一多儲資糧以防未然城守之計以食為本
則糧餉之儲不可不預目今宜尋訪于忠肅公故事通
州之儲悉運入京師而又諭令在京勲戚巨室之家盡
各庄蓋藏毋置城外即有不測城守固矣一破格用人
以期實用自東事屢敗而文臣武臣相繼陷沒主爵者
苦於無人可用臣伏讀聖諭以公侯懸賞欲得出奇建
功之人以 洋洋聖謨急於求才矣然是出奇建
功之人沉下僚伏草莽如田疇魏勝者更復不少若循

資以求則真才安得脫穎而出今吏兵二部宜出招賢
文榜令各陳所長赴部試驗果異實鼎列名上聞群策
並舉無難滅矣疏上大蒙嘉納壬戌三月陞通政使
司左通政署司事充廷試讀卷官侍經筵四月登萊巡
撫闕以公往公至充即檄登萊兵將馳至充申以法令
勸以大義於是陷陣登坪無不以一當百又立日射之
法汰一客兵補一土着不半歲土着充任者衆而思歸
遠戍十不存一紀律肅然農狎於野商狎於墟茫茫大
荒與通都等矣繡衣使者游肩生所募淮兵樞輔檄之
渡海以援毛帥其委官汪崇孝所部者鼓噪於福山勢

抽去二頁

甚岌岌公具疏劾之并論管大藩之脫逃王一寧之賣
叛而海上將吏成斤斤受節制焉當南衛喪失之後
東布兵沿海長山旅順之間布帆草筏出沒不常公籌
度旅順雖為一墟而皇城實海洋之要衝登萊之門戶
也乃設叅將一員守備一員領兵三千嚴加訓練無事
則更番防守有事則合併策應又設南遊北遊兩營各
分訊地道邏於廣鹿諸島之間時東時西忽遠忽近使
敵望之不知所攻亦不知所守因勞為逸反客為主布
帆草筏於是絕跡之所使防守四衛者多中國叛將
有劉愛塔者令心腹金應魁約降鎮臣沈難之公曰此

用間之會不可失也即與加銜劉付許降後代請封官而劄中又備述其怨懟語以防其泄計事成則收恢復之功即事露亦遣彼款貳之禍後愛塔果以復州王丙露洩其事為縛去且誅僂數將拆毀金復諸城盡撤海上之旅順孤懸乃為我有而中國叛將為羽翼者皆上下攜貳公之本謀也雖徙幕當秋成熟猶率眾至南衛收獲公移書沈帥乘其收割蘊崇之時用火攻策將吏用命於是年九月乘風縱火赫其積聚舉兩月之捆載為之一空公曰怨深矣忿兵可防也十月果馘載金州銃砲分兵兩路襲我而諸將亦分兵以

應逼夜酣戰大獲全勝遂移營道去癸亥春維縣有報張爾心約同李副將性忠謀以元宵舉兵叛者報至之時兩監司在座皆驚惶失色公徐命小隊呵殿而過沈帥詢性忠何狀沈以百口保之公曰但令解其兵柄無患也復移文縣令無張遽而遣眾始安蓋遼人跋扈自其性初渡海依登萊羈孤畏人惟鼻息是仰居久之東人以為是刀斧之餘遇之橫而遼人不受前恭後倨仇隙是起飛語所加者皆遼將也公益洞識其情每從鎮靜云毛文龍者公故竒其膽智然自夜邑之奉蠶其心子公之力柔其骨數輩紹參於奧援求增餉金求寬

海禁無復吞之意乃滿浦昌城之捷謂兵不滿千未交
一戰不遺一矢而使自相踐踏其被砲死者二萬有
餘馬之走死者三萬有餘止餘真二萬公心頗
疑之私謂覈實而後報不失於慎扶同而報何辭於欺
乃移文東江審其顛末遂觸毛帥之怒嗾一黃門彈之
一二儕偶繼之判冊天子不為動旋以平蓮功晉秩少
司馬會有朝鮮廢立之變公謂李倬以臣篡君以姪廢
伯當亟為聲罪致討以振王綱奉旨體勛公謂聲
言西寇倬既稱李璋潛通其國人公憤致有改步
則今日之事惟以濟師助勦為左券疏上與廷議合是

以處分一如公之議而朝鮮恭順不二適焉公請告疏
乞七上始得奉俞及歸之日角巾野服口不言功滅跡
歲用無少俸僚得大臣退居之體乙丑天子念海上之
勞廷推再起兵部右侍郎丙寅歷陞本部左侍郎三殿
大功方興兵侍有閱視之責送璫魏忠賢與崔司馬竊
柄肆虐有事大會無不呈面媚顏公獨屏居人後不假
詞色表經略遣人為之吊祭公恨其辱國非計颺
言於朝某公急掩其口曰勿妄言封拜在此舉矣公嘆
曰以此封拜不慮貽笑後世乎拂袖而出大司馬聞之
送璫璫大恨之令偵事者日伺公門卒無可中者會南

戶部尚書缺廷推公遂璫傳票致仕首輔因擬加銜始
奉旨馳驛歸里猶惴惴焉恐遂璫之不忘也三殿告成
加太子少保致仕予以應得誥命公愕然曰皇極殿成
我在班行也而資俸之後我者皆晉宮保今遁跡丘園
而此銜之加胡為乎來哉旋聞熹廟晏駕公曰宜乎此
叙及我耳蓋急於叙其私人遂不暇去其異已者胡可
以身之察察而受彼之汶汶耶具疏懇辭上不允得贈
父母祖父母如秩三具疏而始得辭免本身綸誥旨云
屢辭殿工加銜特准所請以成清尚奏內被挫顛末知
道了聖衷求舊尚殷也銓部起廢冊中有以哉已已冬

躡入內地公再輸家貲一千兩以助軍興因謝叙
甘肅功欽賞疏中言及奉旨嘉其在籍急公候撫按題
序示旌旆酉春流寇自晉中漸逼雒陽去梁宋不六百
里公復條議戰守井井具備睢方賴以無恐忽感脾疾
十月十一日薨於公寢薨之前有巨星隕於西南墜地
有聲公叩而嘆曰吾其逝矣自為紀綱後事以俸金遍
散親黨沐浴正冠而逝有前賢易簣之定力焉嗚呼公
才兼數器心運四虛藉令一出再出不於毛帥魏璫之
世得獨任行意展布四體韓范功名豈顧問哉且建豎
功名之心不勝其護惜節氣之心善刀而藏見機勇退

試考當年後公秉鉞同公佐樞者名在刑書歷可數
 然後知公之完譽松柏讓貞嵩華比重已公本儉素養
 福而當其振窮閔之以身為谿谷則寒陋者愧本剛直
 不回而當其獎善覆過以口為羽翅則谿刻者愧本肝
 膽論交而當其秉道疾邪以筆為誅討則比非植黨者
 愧本博雅多能旁通藝事而韜藏深遠則炫長者愧其
 昌以壬申應掌詹之命脩熹廟實錄於起居注及六曹
 史記中讀公撫登章奏勤勞報國動中窾榮者時有點
 綴異備異日聖朝易名之採不意當吾世而伏公也公
 著書有撫登疏藁弗過堂集韻學集要覽古詩選諸帙

截於家其訓伯子樞不獨以詩文書畫而以有用實學
 死忠死孝允文允武之事日者流寇攻睢睢危甚伯子
 守南城門著百斤鐵衣提大刀鼓舞忠義有劇賊甲而
 立馬諭城中為免屠計伯子發矢貫其喉賊喪膽逸去
 事聞於朝張許生色嗚呼此足以觀公矣 明崇禎八
 年六月光祿大夫太子太保禮部尚書掌詹事府事特
 准致仕馳驛歸里鄰治年弟華亭董其昌頓首撰并書

宗伯 董氏
 學士 玄宰

表樞 之印
 睢陽表氏家 藏圖書記

又董文敏夏雲奇峯冊

宣德高麗紙本水墨八幀高每幅七寸五分零濶四寸
 收藏如新跋另紙

玄宰畫

董其昌

玄宰畫

董其昌

烟江疊嶂

玄宰

董其昌

米山

玄宰畫

董其昌

玄宰畫

董其昌

玄宰畫

董其昌

玄宰畫雨中山

董其昌

玄宰寫洞庭秋霽

董其昌

追涼泖湖塔院寫夏雲奇峯八冊大都用米元章父子

法而兼吾家北苑與趙大年筆意今世多偽為余畫者

以此稱量可也

董其昌

董其昌

又董文敏行書初月賦答送處士書揚州看競渡序冊

宣德高麗紙本起首高九寸濶六寸九分以後諸幅畧短狹共十六幅跋另紙據跋是以卷改冊

初月賦

初生微月若無君有出城中兮纔展於眉入

堂下兮不盈於手若乃金壺稍滴銀漢將流暗鵲驚夜

寒蛩送秋天清暈滅露白光浮臨皓壁而添粉映朱簾

而半鈎纖光浮海重明表矜的的飛上娟娟未落銜破

鏡而飛斜抱彎弓而勢却萱稀菜少桂短花新無篋筍

之團扇有虛空之半輪悵徘徊以將失情鬱結而莫伸

命後車之文雅恭進牘於詞人 答處士書 適意為

樂錙銖功名近復拋廬弃家獨坐河渚結茅構屋并厨

廐棹十餘間奴婢數人足以供役用天之道兮地之利

耕耘蔗菘黍稷而已春秋歲時以酒相續兼多養鳧雁

廣牧雞豚黃精白朮枸杞薯蕷朝夕採掘以供食餌沐

頭素書莊老及易而已 送張處士 海水不揚波久矣若昆蟲草木得遂本性夔益巢由各安其節天縱於子博之以文洞豁無底虛舟任觸世皆尚白獨守太玄顧流俗而不言退將脩乎初服吾於是見全人之操矣乃知白雲上下蓋無心自出黃鶴飛去當有時而來他年孤舟翼再會於五湖之口 揚州看競渡序 夏日江干駕言臨眺於時桂舟始泛蘭棹初遊鼓吹沸於江山綺羅蔽於雲日便娟舞袖向淶水而全佻飄蕩歌聲得清風而更遠是以臨波笑臉豔出浦之輕蓮映渚蛾眉麗穿波之半月服粧舊飾此日爭奇絃管相催茲辰

特妙能使洛川迴雪獨美陳思巫嶺行雲專稱宋玉凡

諸同好請各賦詩

董其昌書

宗伯學士

董氏玄宰

右董文敏墨跡高麗鏡光紐書文敏絕矜練作也雍正二年三月獲自京師喜不能勝因記歲月於卷尾七日虛舟澍書於吏部官舍

又董文敏寶華山莊圖立軸

宣紙水墨高三尺八寸七分濶一尺二寸七分跋先墓在嶼洋為一句讀

積鐵千尋屈紫虛雲端雞犬見邗壚秋光何處堪消日沉澗聲中把道書 癸亥十月有先墓赫黃之行先墓在嶼洋小憇寶華山莊多暇見此側理寫此圖并識

董玄宰

董印 其昌

太史 氏

又董文敏書翰林院歲立軸

硬黃紙高三尺六寸五分濶一尺四寸九分零文敏作楷每少帶行此則筆筆謹嚴

崢嶸木天署七曜垂精芒璇題揭周訓麗藻炳堯章念

此司言重溫語申官常談經入禁籞起草直明光地望

洵清切思華難對揚俊又思獻納台衡燮陰陽公私慎

塗軌仁義為提綱玄微剖幽眇森嚴含風霜琅琅金版

跡焰曜白玉堂所以章聖時侍從多賢良戒石製已陋

飛白不足方願言縷心骨佩服終弗忘 恭讀宣宗皇

帝御製翰林院箴

董其昌

玄賞齋

青宮 太保

董印 其昌

又董文敏做北苑夏口待渡意立軸

白宋紙高三尺零二分濶七寸四分珍藏如新乃高江村得意物有江村題籤

董北苑夏口待渡觀於長安吳太學所始知黃子久出

藍之自米元章評其書云口能言筆不能隨余画以如

此玄宰

董印 其昌

清吟堂

高士奇 圖書記

不以三公 易此日

竹窗

董印 祖口

又董文敏千字文册

仿智永

緹本每幅高六寸四分濶五寸五分共廿二幅每幅烏絲五行文不錄錄其跋 本卷今改册

庚午稷日書此千文尚缺二十餘行辛未仲冬應掌磨之名舟次維揚得夔龍漢硯遂為足之肥瘦差不倫耳

玄宰并識

昌

思翁藏有智永千文終日摹玩故晉唐遺訓宛在目前

眉公題

醇儒

婁水金氏
祐良家藏

有明法書文待詔董尚書皆能比美前規流聲奕世待
詔人力百倍天分稍遜惟華亭秀骨天成姿韻迥出諸
名家上然性不耐作楷此卷首尾形勢結構無毫髮遺
憾尤為平生稱意之作永堪寶貴泉南以十老人秦道

然題

此跋小隸書

秦道然
維主人

又董文敏楷書千字文冊

仿歐陽率更

宣紙本每幅高七寸二分零濶寺八分零共十六幅
又自跋二幅千文未有歐陽刻石于學舍之年月

信本二子歐陽通有碑刻傳世此帖有歐陽隱其書不

傳乃知佳書不必盡著不獨書也其昌画禪
玄 董印
宰 其昌

小楷惟文待詔晚歲逾工年八十二燈下尚作蠅頭書

又能每旦書千文一卷余學書幾六十年每為人強書

數卷此本起自戊辰春至甲戌夏先後七年而成書道

安得進乎談何容易偶從篋中檢出跋此以志愧又中

秋前三日其昌時年八十歲
檢墨
本蘭 昌
董
玄宰

又董文敏秋山書屋圖立軸

宣紙本高三尺五寸九分濶一尺三寸六分眉公
題即於本身

秋山書屋

董玄宰

知制誥
日講官

董印
其昌

架上多異書屋角臨流水灌木風蕭蕭秋聲淡如許眉

公題

陳印
繼儒

又董文敏臨蔡蘇黃米帖冊

宣紙本二十幅每幅高六寸六分潤三寸八分自跋俱小行書珍藏如新

襄啓玄德于今蓋已游歲京居鮮暇無因致書第增馳
系州較遠來特承手牘兼貽楮幅感戢之極海瀕多暑
秋氣未清君侯動靜若何眠食自重以慰遐想使還專
此為謝不一襄頌

蘇黃米蔡宋時以蔡京為殿已易之為君謨當云蔡蘇
黃米雖欲尊子瞻不妨以時代先後為次其昌 董印
其昌
神農曰上藥養命中藥養性者誠知性命之理因輔養

以通也而世人不察惟五穀是見穀色是眈目惑玄黃
耳務淫哇滋味煎其府藏醴醪煮其腸胃香芳腐其骨
髓喜怒悖其心氣香思慮燒其精神 香字真
本悞多 哀樂殃其
平粹夫以蕞尔之軀攻之者非一途易竭之身而內外
受敵身非木石其能久乎至於措身失理正之於微積
微成損積損成衰得從衰得白 上得字真
本悞多 從白得老從
老得終悶若無端中智以下謂之自然

東坡書養生論真跡今在中州俞中舍家昔在吳中曾
手摹之 其昌

贈東坡 江梅有佳實託根桃李場桃李終不言朝露

借恩光孤芳忌皎潔冰雪空自香古來和日拆實此物升
廟廊歲月坐成晚烟雨青已黃得并桃李盤以遠初見
嘗終然不可口擲弃官道旁但使本根在棄置果何傷

黃庭堅

揚清歌發皓齒北方佳人東鄰子且停白苧吟綠水長
袖拂面為君起寒雲夜卷霜海空胡風吹天飄塞鴻玉
顏滿堂樂未終館娃日落歌吹濛
絃歌興罷拂衣

還弃米何曾有俸錢息自大鈞能播物只應訪藥是優

賢米芾

大鈞思翁
墨本悞均

余不學黃山谷與君謨書時師子瞻而元章則雅好臨

摹者今日為四家臨帖無乃五伎而窮乎其昌

董
玄宰

又董文敏做倪雲林山水書仲長統樂志論卷

一宣德紙長二尺零三分水墨仿雲林一鏡光宣
紙長三尺零四分書論高皆七寸八分論文不錄

清臣偶携倪高士小景見示頗得荒率天真之趣遂拈

紙戲臨殊媿出藍

玄宰

樂志論

其昌

董印
其昌

又董文敏做李北海體書洞庭西湖春景詞卷

宣紙高七寸五分長至眉公跋止七尺一寸七分餘
素不計以上諸件以目下論皆文敏之精金美玉

洞庭 洞庭青草近中秋更無一點風色玉界瓊田三

萬頃著我扁舟一葉素月分輝銀河共影表裏俱澄徹

所見書畫

懷壯階

油然心會妙處難與君說 應念嶺海經年孤光自照

肝膽皆冰雪短髮蕭騷襟袖冷穩泛滄浪空濶畫挹西

江細傾北斗萬象為賓客扣舷一笑不知今夕何夕

西湖 曉風吹雨戰新荷聲亂明珠蒼壁誰把香奩收

寶鏡雲錦周遭紅碧飛鳥翻空遊魚吹浪慣聽笙歌席

坐中豪放看君一飲千石 遙想處士風流鶴隨人去

已作飛仙客茅舍竹籬今在否松竹已非疇昔欲望當

年望湖亭下水與雲寬窄醉中休問斷腸桃葉消息

春景 樓上黃昏杏花寒斜月小闌干一雙燕子兩行

歸雁書角聲殘 綺窓人在東風裏無語對春開也應

似舊盈盈秋水淡淡春山 學李北海書五十五年

矣初時專習頗為近之自見米老運筆多有詆呵輒復

忘其舊學然時一擬書亦不落吳興後也 其昌

吾友玄宰書半天下皆葉公龍耳吾人從筆墨掀舞處

摹之徃徃亂真此卷矩格森嚴正如莊士律師非狂禪

初學能望其門庭珍重珍重眉公陳總儒題 醇儒

又董文敏書騷詩 畫荆關倪米卷

宣德奏本紙高八分長一尺四寸前畫硃絲二百三十九行書楚詞四章桃源行一首絕句十首五言古首又硃絲畫冊式土方水墨仿荆關倪米山水款在末幅雖游戲之作亦有別致而多趣味

東皇太乙全文不錄

雲中君全文不錄

湘君

全文不錄

少司命

全文不錄

桃源行 漁舟逐水愛山春
 雨岫桃花夾去津
 坐看紅樹不知遠
 行盡青溪不見人
 山口潛行始隈隩
 山開曠望旋平陸
 遙看一處攢雲樹
 近入千家散花竹
 樵客初傳漢姓名
 居人未改秦衣服
 居人共住武陵源
 還從物外起田園
 月明松下房櫳靜
 日出雲中雞犬喧
 鷓鴣聞俗客
 爭來集競引還家
 問都邑平明閭巷掃
 花開薄暮漁樵乘水入
 初因避地去人間
 及至成僊遂不還
 峽裏誰知有人事
 世中遙望空雲山
 不疑靈境難聞見
 塵心未淨思鄉縣
 出洞無論隔山水
 辭家終擬長游衍
 自謂經

過舊不迷安知峯壑今
 來變當時只記入山深
 青溪幾曲到雲林
 春來遍是桃花水
 不辨仙源何處尋
 山明水淨夜來霜
 數樹深紅出淺黃
 試上高樓清入骨
 豈如春色嗾人狂
 谿中士女出笆籬
 谿上鴛鴦避畫旗
 何處人間似仙境
 春山攜伎來茶時
 莫道官閑身老大
 即無年少逐春心
 憑君先上江頭看
 柳色於今深未深
 天街小雨潤如酥
 草色遙看近却無
 最是一年春好處
 絕勝烟柳滿皇都
 雖有柴門長不關
 片雲高木共負閑猶嫌
 住久人知處見欲移
 居更上山 此去臨溪
 不是遙樓中望見
 赤城標不知疊嶂
 重霞裏更有

何人度石橋 風卷長空亂雪晴
 江煙消盡柳條輕 簷前數片無人掃
 又得書牕一夜明 家在雙峰蘭若邊
 一聲秋磬發孤煙 山連極浦鳥飛盡
 月上中峯人未眠 只去都門十里強
 竹陰流水遠迴廊 滿城車馬皆知有
 每喚同遊盡道忙 望水尋山二里餘
 竹林斜到地 仙居秋光何處堪
 消日 玄晏先生滿架書

積玉豈無圃 干將亦有村 墅在平原干村間 青山貯文賦 秋水

懸劍痕 中有獨往者 卜此疇人園 高情狹五嶽 取適聊川樊 一丘美吾土 羣峰走其門 虛櫺見霞起 卷幔知雲屯 高樓巢燕子 篔簹谷長龍 孫每當秋 菜雕齏 清陰繁

緬懷柴桑翁 朗愛田水喧 况乃梧竹聲 長與風雨吞 主人桂林枝 雅尚蓬蒿敦 疏渠引泉脉 驅石劖雲根 濠梁期質友 池塘思哲昆 刈韭秋畦薄 釣魚潭水渾 著論準樂志 賦騷稱滌煩 名僧時駐錫 長者都停軒 與君在城市 室邇猶隔垣 未若此園居 曠然無籬藩 一從鴻避弋 笑彼虱處裊 因之奏山水 便欲忘朝昏 高枕乃吾廬 誠如杜陵言 嘗聞達人軌 寄通隨化元 我如還山雲 君若扶桑暎 卷舒各有宜 何必鶴與猿 唯容肥遯者 終老桃花源 壬子秋乘潮嘉禾 得此卷於亂紙中 因漫書詩騷數首 以餘冊作關荆米倪諸筆意 聊遣興耳 無足

大觀也 其昌識

董印 其昌

包印 康衡

八月十四日玄宰寫於嘉禾道中

董印 其昌

固陵包銓平家藏圖書

又董文敏山市晴嵐圖立軸

絹本水墨高四尺六寸濶一尺五寸六分夏茂卿題即於本身

山市晴嵐

玄宰

董氏 玄宰

人烟喧島嶼雞犬似雲中還疑居海上乾闥現晴空

夏樹芳

夏印 樹芳

夏氏 茂卿

又董文敏行書寶硯誥立軸

綾本高五尺濶一尺五寸四分文敏書偽者最多綾本之偽者更多茲擇綾本之佳者錄四種

龍尾之質鳳池之凹端州東井昆吾寶刀真如兎角麁

如牛毛神藏鬼沒余也寔遭其紋柳浪其韻雲璈不砥

而平不危而高月當圓魄丰轉星杓如玉有筍如琴有

軫非鸚鵡來乃璇璣本女手之膩文心是列石室恭羅

雲臺可準婁明雖營混沌詎損昔予東壁子虛長楊爾

不予拙亢彼奎章今命爾翼畢世相將余如木雞距觜

忽張月氏非遠芝房非祥塵土腸胃守黑乃臧延於世

世箕裘之歲歲次鶉火日中星昴太史氏著寶硯真誥

二十八宿寶硯誥似 曼修年世丈 董其昌

宗伯 學士

董 玄宰

又董文敏做蘇文忠體書養生論全文卷

綾本行楷高七寸二分長九尺七寸七分厚重端
巖出色之作前臨四家册有節臨蘇長公養生論
此全文有刻本不再錄自跋即在本身九綾本須
擇無損痕望之如藏經經為佳

其昌 東坡先生書嵇康絕交論養生論真跡余皆臨

數本此其一焉 玄賞齋 知制誥 董氏 日講官 玄宰

又董文敏楷書沈夫人壽言立軸

綾本高四尺零六分濶一尺四寸五分一筆不苟
亦所罕見

吏部沈夫人 十初度詩以為壽 虹渚流輝日魚軒

映錦年譽隨鳴珮著訓以斷絲傳東海沿家法西池啟

壽筵涼風初應瑄髮影鎮衣躔香襲霜袍重杯浮露掌

鮮靈萱倚貞栢玉樹出芳荃心識熊丸苦功收燕翼全

徽音何籍籍持此貴形編 萬歷己巳七月吉旦賜進

士出身亞中大夫河南叅政前翰林院編修知制誥東

宮講讀官董其昌撰并書 太史 董氏 玄宰

又董文敏論畫卷

綾本高七寸長二丈零七寸字如錢大不特其書
可愛立論亦洩盡天地之秘

趙大年畫平遠絕似右丞秀潤天成真宋之士夫畫此

一派又傳為倪雲林雲林工緻不敵而荒率蒼古勝矣

今作平遠及扇頭小景一以此二人為宗使人玩之不

窮味外有味可也 畫家之妙全在煙雲滅變中未庸

見謂王維畫見之寂多皆如刻畫不足學也惟以雲山

為墨戲此語雖似過正然山水中尚着意生雲不可用
鈎染當以墨漬出令如氣蒸冉冉欲墮乃可稱生動之
韻昔人評大年畫謂得胸中千卷畫更奇又大年以宗
室不得遠遊每朝陵回得寫胸中丘壑不行萬里路不
讀萬卷書欲作畫祖其可得乎此在吾曹無望庸史矣
山之輪廓先定然後皴之今人從碎處積為大山此
最是病古人運大軸只三四六分合所以成章雖其中
細碎處甚多要之取勢為主吾有元人論米高二家書
心得吾意畫樹之竅只在多曲雖一枝一節無可直者
其向背俯仰全於曲中取之或曰然則諸家不有直樹

乎曰樹雖直而生枝發節處必不都直也董北苑樹作
勁挺之狀特曲處簡耳李營丘則千曲萬曲無復直筆
矣 枯樹最不可少時於茂林中間見乃奇古茂樹惟
檜栢楊柳椿槐要鬱森其妙處在樹頭與四面叅差一
出一入一肥一瘦處古人以木炭畫圈隨圈而點之正
為此也 柳宋人多寫毛柳又有點葉柳毛柳不難畫
只要分枝得勢耳點葉柳之妙在樹頭圓鋪處只以汁
綠漬出又要森蕭有迎風搖颺之意其枝須半明半暗
又春二月柳未毛條秋九月柳已衰颯俱不可混設色
亦須體此意也 畫樹木各有分別如畫瀟湘圖意在

荒遠滅沒即不當作大樹及近景叢木如園亭景可作
楊柳梧竹及古檜青松若以園亭樹木移之山居便不
稱矣若重山複嶂樹木又別當直枝直幹多用攢點彼
此相籍望之模糊鬱葱似入林猿啼虎嘯乃稱至春夏
秋冬風晴雨雪又在言外也 畫家以古人為師已自
上乘進此當以天地為師每朝起看雲氣變幻絕近畫
中山行時見奇樹須四面取之樹有左看不入畫而右
看入畫者前後亦爾看得熟自能傳神傳神者必以形
形與心手相湊而相忘神之所托也樹豈有不入畫者
特畫史收之生綃中茂密而不繁峭秀而不寒即是一

家眷屬耳畫之道所謂宇宙在乎手者眼前無非生機
故其人徃徃多壽至如刻畫細碎為造物役者乃能損
壽蓋無生機也黃子久沈石田文徵仲皆大耋仇英短
命趙吳興止六十餘仇與趙雖品格不同皆習者之流
非以畫為寄以畫為樂者也寄樂於畫自黃子久始開
門庭耳 禪家有南北二宗唐時始分畫之南北二宗
亦唐時分也但其人非南北耳北宗則李嗣訓父子着
色山流傳而為宋之趙幹趙伯駒伯驢以至馬夏輩南
宗則王摩詰始用渲淡一變鈎斫之法其傳為張藻荆
關郭忠恕董巨米家父子以至元之四大家亦如六祖

之後有馬駒雲心臨濟兒孫之盛而北宗微矣要之摩詰所謂雲峰石迹迥出天機筆意縱橫參乎造化者東坡贊吳道子王維畫壁亦云吾於維也無間然知言哉
古人之有筆有墨筆墨二字人多不曉畫豈有無筆墨者但有輪廓而無皴法即謂之無筆有皴法而不分輕重向背明晦即謂之無墨古人云石分三面此語是筆亦是墨可參之余常謂右軍父子之書至齊梁而風流頓盡自唐初虞褚輩一變其法乃不合而合右軍父子殆如復生此言大不易會蓋臨摹最易神氣難傳故也巨然學北苑元章學壯苑倪迂學壯苑黃子久學北

苑學一北苑耳而各各不相似使俗人為之與臨本同若之何能傳世也 董北苑畫樹都有不作小樹者如秋山行旅是也又有作小樹但只遠望之似樹其實憑點綴以成形者余謂此即米氏落茄之源委蓋小樹最要淋漓約畧簡於枝柯而繁於形影欲如文君之眉與黛色相參合則是高手也 趙大年平遠寫湖天淼茫之景極不俗然不耐多皴雖云學維而維畫必有細皴者乃於重山疊嶂有之趙未之能盡其法也 張伯雨題倪迂畫云無畫史縱橫習氣予家有此幀又其自題師子林圖云予此畫真得荆關遺意非王蒙輩所能夢

見也其高自標置如此又顧謹中題迂畫云初以董源為宗及乎晚年画益精詣而書法漫矣盖倪迂書絕工緻晚年乃失之而聚精於畫一變古法以天真幽淡為宗要亦所謂漸老漸熟者若不從北苑築基不容易到耳縱橫習氣即黃子久未能斷幽淡兩言趙吳興猶遜迂翁其胸次自別也 董北苑瀟湘圖 江貫道江居圖 趙大年夏山圖 黃大癡富春山圖 董北苑行旅圖 董北苑雲山圖 董北苑秋山行旅圖 郭忠恕輞川招隱圖 范寬雪山圖 趙子昂洞庭二圖 又高山流水圖 李成着色山圖 米元章雲山圖

巨然山水圖 李將軍蜀江圖 大李將軍秋江待渡

圖 王叔明秋山圖 宋元人冊葉十八幅

右俱吾齋神交師友每有所如携以自隨則米家書畫船不足羨矣 吾於書似可直接趙文敏第少生耳而子昂之熟又不如吾有秀潤之氣惟不能多書以此讓吳興一籌画則具體而微要亦三百年來一巨眼人也 玄宰癸丑三月書於舟次 知制誥 董印 張 日講官 其昌 則之 又董文敏書化育衲子狀卷

緝本高符長三尺五分

化育衲子者西蜀人也弱冠時便知佛法大意到杭求

出家未果竟浮南海普陀薙髮居未幾衲子以入佛知
見為大易不樂乎空山孤陋因叅海內諸名家居不一
地遇不一人其所住處霜天岑寂人跡或稀惟與二三
同志兀坐繩床不作干求想然亦不至於終餒也每以
住久緣熟便思遠去若古杭會稽姑蘇衲子亦常托處
皆不數載而屢更最後居吾鄉婁水衲子獨屬意焉曰
縱有他勝地我不必居但隨緣耳凡所住之地歸依者
數數諸縉紳名流亦時時過從欲接謦欬者衲子亦不
惜齒牙其一種聰慧口角固是不凡故晤言一室在所
向風蓋衲子為人穎悟意度弘遠外若悶然泛然而叩

之小大立應是以處衆令人戀不忍舍談論令人意趣
脩然即諸衲中亦無能出其右者間出一二詩歌頌偈
此亦其一斑矣壬戌春恩召北上衲子搢舟送別索書
書一字以為珍重余笑而書其狀云
其昌書贈

玄賞齋

知制誥
日講官

董其昌印

又董文敏雜書禪偈歌詩卷

紐本三接高守七分長一丈四尺八寸六分與前卷
俱老年之筆筋骨峻嶒時也

白太傅問惟寬禪師何以脩心師曰心本無損傷如何
要脩理無論垢與淨一切勿念起又問垢即不可淨亦
無念可乎師曰如人眼睛上一物不可住金屑雖珍寶

在眼亦為醫。李文靖深通內典，尤厭榮利。家人以所居第湫隘，勸治之。公曰：「身食厚祿，時有厚賜，計亦可治。但內典以此世界為缺陷，安得圓滿如意？自求稱意，即司馬溫公作解禪六偈云：『忿怒如烈火，利欲如鈇鋒。終朝長戚戚，是名阿鼻獄。顏回安陋巷，孟軻養浩然。富貴如浮雲，是名極樂國。孝弟通神明，忠信行蠻貊。作善降百祥，是名作因果。言為百世師，行為天下法。久久不可掩，是名不壞身。仁人之安宅，義人之正路。行之誠且久，是名光明藏。道義脩一身，功德被萬物。為賢為大聖，是名佛菩薩。揚清歌，至館娃，日落歌吹。』

濛已全錄前臨宋四家冊中不錄

絃歌興罷，拂衣還弃米，何曾有俸。

錢思自大鈞，能播物還應訪藥，是優賢。杜荀鶴字彥之，牧之子，所居得香林之勝，與顧雲諸賢為友。自號九華山人。其送僧詩曰：「名門利路兩何憑，百歲風前短燄。燈只恐為僧心不了，為僧心了却輸僧。天際烏雲含雨重，樓頭紅日照山明。嵩陽居士今何在，青眼看人萬里情。」

董其昌

玄賞齋

知制誥日講官

董印其昌

朱印延禧

畸叟

魏印師殷

魏松巖歲書授子之章

又董文敏楷書曹溪偈立軸

宣德紙，高二尺三寸八分，潤七寸七分。

大圓鏡智心清淨平等性智心無病妙觀察智見非功
成所作智同圓鏡五七八果因轉但轉其名無實性

書曹溪偈

其昌

宗伯
學士

董
玄宰

又董文敏小行書王介甫金陵懷古詞立軸

宣紙本高二尺五寸四分潤八寸與前幅俱壯年
出色之作

登臨送目正故國晚秋天氣初肅瀟灑澄江似練翠峰
如簇征帆去掉殘陽裏西風酒旗斜矗綠舟雲淡星
河鷺起畫圖難足念自昔豪華競逐恨門外樓頭悲
歡相續千古憑高對此謾嗟榮辱六朝舊事隨流水但
淡烟衰草凝綠至今商女猶唱後庭遺曲王介甫金

陵懷古詞 其昌

宗伯
學士

董氏
玄宰

又董文敏

重脩新橋募緣疏同
王奉常堯峯禪院序

合裝卷

俱紙本高俱寸五分新橋募緣疏長三尺九寸五分行
書堯峯禪院序長五尺四寸四分隸書

重脩新橋募緣疏

范龍圖詩云一棹危於蒸旁觀亦

損神他時在平地莫忘險中入予頃度婁水之新橋頗
念斯語觀其柱歌材朽無風自搖承足之處支離不屬
垂垂欲墮剎那失脚便入魚腸吁嗟險巇乎危哉彭祖
懸絙而觀井王陽望棧而迴車尊生之人不過此橋過
橋者復不念險中人當誰望耶予故稍為捐貲且以諭
於同心者丙辰子月董其昌書於青溪舟次

董氏
玄宰

堯峰禪院序 吳中多佳山水而各藍鉅刹亦徃徃不
乏大約非其人則不能創非其人則不能守故開創難
而守成亦不易予曩者遊屐至堯峯見其四圍連峰千
矗成障寺宇澄肅赫備淨嚴謂入諸天勝境既而仰矚
山麓更覺殿閣崢嶸僧行紅葉嵐擁白雲絕非人間近
玩乃偕友步屨而上整衣入殿禮佛訖忽聽晝漏初傳
鐘聲嘹唳宛然寒山夜半時也因徘徊久之不忍去夫
堯峰湛師者初至龍洞結茅數椽不蔽風雨師躬自托
鉢廣叅大乘遂受菩提之密印化人天之導師迄今垂
百有餘年其徒孫範圍師能承此道場一如湛公生存

而殿宇之煥僧衆之盛不異曩時洵乎守成之功與開
創之功可並垂不朽也所慮大衆雲集糗糧時匱如吳
之名公鉅卿有讀東震之書慕西乾之教能信心正覺
助宣大道各隨力樂施俾成勝事則百千萬人同沾化
雨二百餘衆共證樂邦範圍之願尤湛師之願也去年
冬範師持此軸示予欲乞一言以從文太史之後顧耄
耄之年意思曠眊不能即應其請昨趺坐半禪偶一念
至并憶昔日遊歷之樂因援筆書此語曰莫為之前雖
盛弗傳莫為之後雖美弗繼若堯峰一山竒秀傑特固
甲於吳郡前之開創者湛師也後之守成者範圍也而

今之護法施捨以永此道場者其將望之君子乎康熙
 唐成初秋西廬老人王時敏撰并書 存篆 王時 西廬 敏印 老人
 奉嘗與宗伯為兒女姍家其福同其祿與上壽同其筆
 墨之足以垂久遠而不朽又同所以致此者非生有夙
 慧更能隨時隨處以種德耶壬辰之夏日聽松子
 又董文敏書得岸僧壽序冊

經本九幅每幅高六寸五分濶三寸八分每幅烏絲
 四行

得听老衲余三十年空門友也其為人質直和厚以直
 心作道場以歡喜作布施不升高之座不薦利鈍之
 機生平花竹綠有書畫癖而於鬪茶一事大顯唐代

積公嘗謂余今人制作事事不如古人獨治茶一事古
 不勝其拙而今不勝其逸夫白絹斜封名號已舛若石
 泉繡菓氣色尤村至於香藥雜揉龍鳳狂合直謂之滓
 穢太清耳余每就公啜茶見水有水候火有大候火在
 無煙之際泉當無色之時視其端神凝思奮臂定腕香
 味既 恰宜他人舌 然後知

老人自以飲茗作佛事黃芽甘露固無處不充滿也余
 嘗戲與論法茶於目為色於鼻為香於身為觸於舌為
 味四者皆非茶之正性故合之似有離之本無似有則
 種種法生本無則種種法滅故色不可以目覩香不可

以鼻嗅觸不可以身覺而味不可以舌知是法界之茶
三昧而已矣樹於無塵之圃滋以不核之芽和以不濕
之泉沸以不熱之焰盡世間煩惱種子飲以清涼一飲
消法再飲消空即今所誇曹溪派趙州茶不當老人以
平實說法耳於是老人僧臘高矣爰即平日問答語書
之以為壽并與世出世間知味者共咀之 董其昌書

時年七十有九

董印 其昌

宗伯 學士

又董文敏贈得岸僧山水立軸

緝本高二尺六寸七分濶一尺二寸四分水墨又綾
本詩斗濶同高五寸九分陳山人題

惟石與枯槎相將度歲華鳳團雖貯好只喫趙州茶

寫贈得岸上人六十壽

其昌己巳四月

董印 玄宰

碧眼高僧骨相癯松窓但醉紫珊腴從今壽臘將何祝
一百八單同數珠 思翁為茶羅漢寫青山奉壽僕亦

隨喜贈詩 陳繼儒

眉公

又董文敏行書立軸

緝本高四尺九寸四分濶一尺九寸三分前贈得岸
之畫及此書外貌甚拙而中有妙處俗人必棄之

遨遊出西城按轡循都邑逝物隨節改時風肅且熠遷
移有常然盛衰自相襲靡年時改苒苒老已及行矣
勉良圖使爾脩名立 為 遜之老親家書 董其昌

玄賞齋

宗伯 董氏 之章 玄宰

明陳眉公書金剛經附董文敏細楷心經冊

紙每幅高寸二分零濶六寸九分零朱絲十行金剛經四十二幅心經三幅經文不錄錄其跋語

米元章在無為洲苦池蛙鳴聲聒耳以書投之至今池蛙有形無響顏魯公多寶碑載法師寫經筆端舍利聯出數十百粒錯落不絕今之寫字寫經者不聞有此余以此自愧為玄宰道之玄宰曰勿作是觀以生退心但有經處人以翰墨讚嘆而入信地者能續佛慧命即是舍利一斛能度衆生離苦得閑即是卯生濕生道場余心肯其語為寫金剛經一卷軟弱離披再閱撓而雖然要在受持讀誦者此一卷如一大藏天啓丁卯元旦陳

繼儒敬寫時年七十

麋雪昌龍友

高陽許氏藏書

般若經六百卷此為經之心猶之般若心也今以心經連讀失其義矣般若有三有觀照般若若有實相般若若文字般若文字亦能重識趣無上菩提故書此流布世間使展卷者信受誦讀種善知見所謂一染神歷劫不變也丁卯脩稷日香光居士敬識

董氏其昌

又陳眉公山水立軸

紐本淺設色高三尺四寸分濶九寸眉公游戲書不勝載載所書金剛經全部畫多墨梅載此山水

怕將名姓落人間買斷秋江蘆荻灣幾度招尋尋不見釣舟雖小即深山 眉公寫并題 眉公

明黃孝子滇南尋親圖冊

紐本高守五分潤一尺寸引首王奉嘗隸書四字黃向堅每幅小行書題致黃向堅傳字端木吳郡人石衣先生子也石衣以孝廉飛鳧滇徵端木卓隨侍服勤暫歸而袖亂荐臻遂致改邑石衣以卓異徵謝事逢亂不知所抵黔又日行於金戈鐵馬瘴徒步往尋四閱月而得訪其父於山野間幸甘棠烟毒雨更歷數旬因得旋此事後摘其所經圖之在彼滇人相助儼裝而旋

咫尺萬里

婁東王時敏

王印時敏

烟客

上梨武坡松杉翼道多恠石如螺下臨羅羅海子波光

漱灑賈帆漁呂搖漾其中而嶢崑千仞勢如欲墮俛仰

之間凜然悚栗

向堅并誌

向堅

端木

次盤江波濤洶湧兩崖陡峙拔磴數十仞舟楫不能施

昔賢貫鐵索為梁以通往來城隅有銅柱卓立乃伏波

征蠻駐兵於此古稱入滇之要害處也向堅并誌

印同前

金馬碧鷄滇中名勝也宦遊題賞者何代無之其嵯峨

突兀雄峙於昆明池側飛青舞翠矯如競麗爭妍予

歷其嶺遥望太華諸峯山光水色縹緲相涵恍然閬苑

蓬瀛向堅并誌

印同前

狀元嶺值大雨不止從濃雲

中騰空而下抵寧遠寺借宿淋頭沫足解衣烘火夜不

能寐比曉則羣峰湧翠一水拖藍皆不知此身之所自

矣向堅

印全

次湄潭縣山嵯溪窄林木叢雜溯流而

上紆旋幾十里間是荒陬僻壤風景之殊不可勝道向

堅印同

劍川道上樵夫罕覲時聞猿狖聲而峭壁千

尋陡削層折下臨深淵波濤澎湃於危石間苗人置索

山嶺貫以竹筍挹持往來蓋於人跡不到處獵取珍禽

異獸也予望之如戲而不禁可駭向堅 嚮水關地

近古盤州北距夜郎蒙茸荆棘中開一線苗人獷狽狎

悍 險立砦行旅之往來每每患之而羣峰卓立峭拔

不能栖獨鳥尤為可駭向堅 黔中關索嶺當年武

侯南征漢壽亭子駐兵處也所謂羊腸一線鬼國千峰

險不易登踰此嶺者故難於上青天耳余幾回顛躓至

今股慄向堅并誌 清浪衛城峙險一江時江水橫

發舟楫難施土人兩崖置杙繫以篾繩貫桅末榜人憑

此搖曳以渡至中流不啻乘槎天漠向堅并識

歸途歷威清僻路下癩石坡抵黃官峭山徑崎嶇疊嶂

嵯峨畫行多晦色關有守兵盤詰再三迺得放行危懼

莫甚於此然竟得無恙詎非徼有天幸歟黃向堅并識

明沈子居山水長卷 印同

緹本設色高寸五分長一丈二寸五分跋緹高同長七尺三寸二分名載佩文齋畫譜

戊辰長夏沈士充寫於紅蕉館 士充居

往余見文壽承題文德承溪山自造圖長可三丈許極

林泉之變今見沈子居此卷重巒疊嶂長松巨壑山居

奇境無所不具吳門畫手當拱手讓吾松不虛矣其

昌題

宗伯學士

董玄宰

巖居川觀不在取妍於景界在高人筆精墨妙間此卷為沈子居所圖自唐宋元名家皆撮其精微染於毫端豈惟氣吞時流即董宗伯見之幾下衛夫人之嘆一要人品高二要師法古子居足以當之矣陳繼儒陳印眉繼儒公吾吳畫手悉不知師古惟知有一徵明先生以為畫畫是矣見吾松之畫輒姍笑之以為此松江派也嗟乎夏蟲不可與語水井蛙不可與語天拘於俗耳殊不知徵明先生一筆一畫動師古人彼豈更有一徵明拘拘而

倣之哉乃竟不知舍筏而更求之徵明之先師其古安知不降而與徵明齊驅並駕又安知不超軼徵明而凌跨之乎即如吾松有一董玄宰先生筆筆從古法中來此亦吾松畫家之開山斧也乃松人堅不肯摹倣必欲追求其先轍務凌而上之此所以各自成一家毫無習氣或董北苑董巨然范寬關荆倪迂大癡叔明輩筆、師之而又不拘拘擬之如沈子居先生此卷層巒疊嶂雄渾巨麗彼何嘗不師古人而又安可以古人名之哉即古人且不肯落其藩籬而又安知有玄宰先生哉乃蘇人曾不見古人面目而但見玄宰先生之畫遂以為

松江之派真可嘆可哀耳蘇人胸中有松江派三字所以畫再不得精耳請觀此卷何嘗有玄宰先生一筆而乃謂之松江派不亦冤哉崇禎辛未因題沈子居畫卷遂孟浪及此以開吳人畫中魔障非眼具千古者不可出觀也 范允臨題

長倩父 允臨之印

明杜古狂友鶴圖冊

經本着色高寸五分濶一尺寸四分前後題詠高下不俱是箋經寸不載藝苑卮言等書俱品其畫一

友鶴

思玄居士同里桑悅題

東吳桑悅民懌

檉居杜莖為天與寫友鶴圖

莖杜

友鶴記 人與物皆天之所生天賦之理人得其全而

物得其偏人者人之物者天之人失之物得之故有天物而鮮天人孟子曰舜居深山之中與鹿豕遊大聖人不棄物也况其下者乎同里沈君天與讀書循雅家饒於資而能謙約崇賢不好作適惟畜二鶴於庭與之契合相忘自相賓主馳神天路畀益良多因以友鶴自號一時士夫俱以此呼之托其姻王君君錫求予為之記天與崇厚於予甚言奚可辭古人以鶴比君子其行也動循規矩似禮其舞也節應宮商似樂丹砂秀頂何神也羽衣鶴皜何潔也知時截毛何智也千歲變黃去為仙人之驥又為物之佞期也是不可重者歟昔衛侯以

鶴乘軒因而亡國張雲龍放鶴於山亭因得名是則雲龍之亭勝於衛侯之國所以東坡羨隱居之樂以為南面王樂莫易也天與徜徉林下與鶴為伍其鶴乃雲龍之鶴而非衛侯之鶴也有譽而無損又何待言說哉予一世畸人襟懷浩蕩可與造化為友可與鈞天帝都仙真悲田院乞兒為友亦可與萬物為友一身萍寄在在天遊出入必由戚浦之灣沙溪之陽天與之居在馬明月之夜予或艤舟於是吹洞簫歌楚辭晞髮北斗之下有掠予舟而過者其鶴耶乃天與之友其天與耶乃鶴之友予友天與亦友鶴也作友鶴記弘治庚申秋八月

一日柳州府通判思玄居士里人樂悅民懌書

東吳

懌民

思玄居士

嗟嗟我生三益道離乾餼細愆實煩我思出門無交易鳥相持徙東徙西肯改鳴兮有鶴有鶴清縞其儀人之云尚惟其有之是以友之再嗟我生何友之遲 鄞縣

陳鵬霄

竹林茅屋中人

友鶴 攀龍附鳳摠無情獨與胎禽有夙盟伐木載歌聊起興鳴皋在野必聞聲丹丘探信孤雲遠滄海傳書片月明托物比交能尚古飛揚曾伴一琴清 俞憲題胎仙骨相異凡禽吳有幽人獨玩心耿介不隨鴛鴦侶

孤高知止竹松林苔階舞處看成篆月夜鳴時聞遠音
別墅畜來無限趣寫經何事到山陰
松陵菜紳 黃門公暇

世人交誼薄君獨契胎禽高潔宜同志幽閑愜素心徐
行隨竹杖清吟和瑤琴膠漆猶難並何須貴斷金長

洲錢璞用蔡南韻

石 味易所 吳越世家

皜皜霜翎伴獨幽何須更欲上揚州主人養得馴如雉

啄破青田萬頃秋 高貫

載道之器

癖在瀛禽最是儂臞然凡鳥到羣空仰窺碧落知心遠

高唳清秋覺思雄羽化幾如蘇老擬軒乘未許懿公同

主人賸有揚州興待看凌風借一翀 溧陽史學 侯裔

人物孤高互有情白頭甘老歲寒盟九天雲路心期遠

三島烟霞羽翼輕笑傲此生長作伴徘徊終日不猜鷺

幾回唳向梅花月喚得壯愴詩夢醒 金琮 赤松山農

附鳳攀龍未有緣早將交誼託胎仙唳當竹徑催詩興

飛下松陰伴醉眠赤壁且陪澆月酒西湖同載探梅船

他時騎上揚州去不為腰間十萬纏 徐禎卿

爾為盟主我為儔爾頂丹砂我白頭訪舊不勞童子伴

報賓端為主人謀乘風宜上揚州去載月曾同赤壁遊

昨夜九臯聲不徹喚醒詩夢過南樓 允明 枝指生

仙禽標致異凡禽惹起高人喜好心緩舞花前甘劇飲

長鳴窓外肆豪吟笑陪警露青天
下閑伴翹沙碧水潯

暫處鷄群皆自得相期千歲老山林
吳江菴紙

松陵

佩廷

紫薇

此冊桑民懌之前題及記杜古狂之圖皆是真蹟
如祝希哲金元玉徐昌穀之詩乃當時人偽為以
應天與之徵後尚有龔蒙茶預二詩詩不佳未錄
龔蒙之書與金元玉出一人之手

明五湖先生檜峯山房圖卷

引首圖及詩皆絹高皆寸五分引首長三寸五分零文
三橋隸書四字極佳圖設色長五尺五寸五分零詩
天四尺七寸五分詩皆應酬之作故不錄而僅存其
名而亦未詳為何人作也諸家書法並妙

檜峯山房

隸

文彭

文彭之印

文壽承印

嘉靖丙寅十月十八日為檜峯作

師道

陸子傳

簡出

陳灏

馮符

文彭

徐時行

陸師道

顧梁材

王錫爵

曹子朝

曹子登

韓

國楨

趙用賢

王世貞

明藍田叔做米家山畫苔溪勝處卷

緝本高寸九分長七尺二寸三分畫史會要稱其老
而弥精蒼勁不減石田

春風輕暖雪浪微寒放泓駿畫舟遊苔溪勝處蕩槳先

從道峯轉謁孫太初先生之墓復登毘山坐長松指點

碧灣於梅花枝外次日入白雀禮大士觀宋石門先生

畫壁清事不虛志辛巳花朝也

藍瑛

藍瑛

又藍田叔十二釵冊

經本每幅高九寸八分濶一尺零八分引首自作隸書四字甚當行不知此老又有此藝也各幅有款

潑墨妍時

山公瑛書

藍瑛之印

田叔氏

壯國香竒更艷辭臣妙在譏

辛巳秋日客廣陵偶逢

季宣辭兄款即連宵餘酣畫墨花十二聊作十二釵侑

杯也 瑛 田叔

山種來巔自異紅奪日邊光

蜨叟瑛

瑛

田叔

薔薇細雨庭初夏微香架帶涼

藍瑛

藍瑛之印

田叔

玉臨風王謝子挺卓廟廊公

瑛

印全前

田叔氏

荷恨比六郎似潔恭我佛緣

藍瑛

藍瑛之印

田叔氏

棠砌花嬌的的蛩語絮刀刀

并題

藍瑛

印前見

芙蓉江上露華冷嬌生芙蓉愁

藍瑛

印見前

桐子秋色老梧桐

蜨叟瑛畫

藍瑛私印

田叔

丹楓

蜨叟瑛畫

田叔

菊花香動東籬韻白酒酣尋北海尊并題藍瑛

印見前

梅花

蜨叟瑛

田叔

季宣珍玩

水仙

蜨叟瑛畫

田叔

明顧原之藍水玉山圖立軸

經本高三尺七寸零濶一尺四寸詩斗亦經濶同高九寸眉公題松江志載原之筆秀不肯酬應故難得

藍水遠從千澗出玉山高並兩峯寒 遜翁妙染直是

摩詰後身余方神往迺猶問道於盲愧不能辭勉爾丐

郢 華亭顧懿德

顧印 懿德

之原

遜之畫顯摩詰原之畫顯虎頭千巖萬壑毫端收此圖

衮衮雲不休丹梯翠壁空青流六月蕭颯如涼秋欲置

西君松頂上寫我元龍百尺樓陳總儒題

眉公

一腐儒

明卞白浮梅花書屋圖立軸

紐高二尺九寸四分濶八寸八分吳人載画史會要此幀高古不讓元人不可以小名家忽之

梅花書屋 丙辰仲冬寫祝 對公七十

卞文瑜

蘿菴

瑜文

南濶

明顧青霞名勝十景冊

紙本每幅高寸五分濶一尺五寸三分乍看皆無款細視有小字書名於樹葉或於石上

白堤

青霞 顧印 凝遠

十幅印同

九里十三橋

五洩

白馬澗

青陽

泰餘

貞墩

華山

木末亭

陰澄湖

敝廬在戴顓宅畔出齊女門西淮有深棲蓮花諸菴可

遊遠近芳原繡野村落幽紆春夏文雉朝飛素鷗矯翼

柳搖波漾湖曰陰澄盛暑可風先朝遊入載酒者笙歌

不絕余曾有扁舟名麴部時與張仲光呂非菴及李長

蘅周安期王玄珠蔣伯玉輩過從輒艤棹訪陳古白於

鐵花借讀之間信宿流連記余有閑停小舫看鄰舫密

載吳姬訪越姬之句倏忽七十餘年家事彫零故人徂

謝齊女門內遍為甌脫畏人如蠶一歲多不過再出却
惟造物弄人獨存蒲柳適睡眠半醒陰澄若覩感念悲
悽爰畫尺幅壬辰六月望日老人凝遠書 青霞 顧印

顧凝遠字青霞吳郡人少負驚才長而好學於古今墳
典無所不窺而又精於畫理好事者得其寸巒尺壑輒
護為百結木難載畫引序 此冊感人事之非傷滄桑

之變放筆圖吳中名勝十幀激悲憤於胸中瀉淋漓於
指下故更精於他作也癸巳前三月十三日清明題於

碧蕊花下 陸時化 潤之 晚窗

又顧凝遠水窮雲起圖立軸

經本青綠高三尺四寸二分潤一尺七寸六分猶有北宋遺意而不免有刻畫之謂

秋葉秋花刺眼新夫容千尺影嶙峋正是水窮雲起處

應添漱石枕流人 凝遠為伯榮題 凝遠之印 壑菴老人

明陳誠將池酌風來圖立軸

經本高五寸五分潤尺寸九分吳縣志稱其愛讀離騷文選名賢入吳皆購其畫晚以吟咏自適

落日池上酌清風松下來壬子冬仲天平山樵陳裸

誠將父 白室

明李通甫五君圖卷

高皆寺系引首經長尺零七分程在白書圖緜着色五君坐竹林中長四尺四寸五分尾經長尺七寸系陳古白書五君詠吳縣志云字通甫號仲槐隱居新郭碧瞳秀腕舉體欲仙至画余以為終少逸氣

千古風流篆

程曉書

程曉之印

在白

萬歷丙辰秋日寫李士達

士達

南通

阮公雖淪跡識密鑒亦洞沉醉似埋照寓詞類托諷長
 嘯若懷人越禮自驚衆物故不可論途窮能無慟中
 散不偶世本自餐霞人形解驗默仙吐論知凝神立俗
 迂沉議尋山洽隱淪鸞翮有時鍛龍性誰能馴 劉伶
 善閉關懷情滅聞見鼓鐘不足歡榮色豈能眩韜精日
 沉飲誰知非荒宴頌酒雖短章深衷自此見 仲容青
 雲噐寔稟生民秀達音何用深識微在金奏郭奕已心
 醉山公非虛覲屢荐不入官一麾乃出守 向秀甘淡

泊深心托毫素探道好淵玄觀書鄙章句交呂既鴻軒
 攀嵇亦鳳舉流連河裏遊惻愴山陽賦 右顏延年五
 君詠延年領步兵好酒踈誕劉湛言於彭城王義康出
 為永嘉太守延年甚憤乃作五君詠故語中多自寓云
 天啓癸亥九月山中書長洲陳元素 陳印 元素
 明陳古白書唐人絕句三十首卷

古色經烏絲闌書高守分長天寺寺秀蘇州志云古白書法歐陽率更精楷入神此卷秀美似子昂

知君書記本翩翩為許從戎赴荆邊紅粉樓中應計日
 燕支山下莫經年 銅臺宮觀委灰塵魏主園 林漳水
 濱即今西望猶堪思况復當時歌舞人 羽客笙歌此

地遠離筵數處白雲飛蓬萊闕下長相憶桐柏山頭去
不歸 巴陵一望洞庭秋日見孤峯水上浮聞道神仙
不可接心隨湖水共悠悠 稽山雲霧鬱嵯峨鏡水無
風也自波莫言春度芳菲盡別有中流采芰荷 蘭陵美
酒鬱金香玉椀盛來琥珀光但使主人能醉客不知何
處是他鄉 峨峩山月半輪秋影入平羌江水流夜發
清溪向三峽思君不見下渝州 誰道君王行路難六
龍西幸萬人歡地轉錦江成渭水天回玉壘作長安
劍閣重關蜀北門上皇歸馬若雲屯少帝長安開紫極
雙懸日月照乾坤 楊花落盡子規啼聞道龍標過五

溪我寄愁心與明月隨風直到夜郎西 故人西辭黃
鶴樓煙花三月下揚州孤帆遠影碧空盡惟見長江天
際流 洞庭西望楚江分水盡南天不見雲日落長沙
秋色遠不知何處弔湘君 霜落荆門江樹空布帆無
恙挂秋風此行不為鱸魚膾自愛名山入剡中 越王
句踐破吳歸義士還家盡錦衣宮女如花滿春殿只今
惟有鷓鴣飛 昨夜風開露井桃未央前殿月輪高平
陽歌舞新承寵簾外春寒賜錦袍 芙蓉不及美人粧
水殿風來珠翠香却恨含情掩秋扇空懸明月待君王
奉帚平明金殿開且將團扇暫徘徊玉顏不及寒鴉

色猶帶昭陽日影來 真成薄命久尋思
夢見君王覺後疑 火照西宮知夜飲
分明複道奉恩時 白馬金鞍從武皇
旌旗十萬宿長楊 樓頭小婦鳴箏坐
遙見飛塵入建章 白草原頭望京師
黃河水流無盡時 秋天曠野行人絕
馬首東來知是誰 青海長雲暗雪山
孤城遙望玉門關 黃河百戰穿金甲
不破樓蘭終不還 津頭雲雨暗湘山
遷客離憂楚地顏 遙送扁舟安陸郡
天邊何處穆陵關 新豐美酒斗十千
咸陽遊俠多少年 相逢意氣為君飲
繫馬高樓垂柳邊 綠樹重陰蓋四鄰
青苔日厚自無塵 科頭箕踞長松下
白眼看他世上人

欲逐將軍取右賢 沙場走馬向居延
遙知漢使蕭關外 愁見孤城落日邊
漢將承恩西破戎 捷書先奏未央宮
天子豫開麟閣待 祇今誰數二師功
日落轅門鼓角鳴 千羣面縛出蕃城
洗兵魚海雲迎陣 秣馬龍堆月照營
東去長安萬里餘 故人那惜一行書
玉關西望腸堪斷 况復明朝是歲除
故園東望路漫漫 雙袖龍鍾淚不乾
馬上相逢無紙筆 憑君傳語報平安
西原驛路挂城頭 客散江亭雨未休
君去試看汾水上 白雲猶似漢時秋
酒泉太守能劍舞 高堂置酒夜擊鼓
胡笳一曲斷人腸 坐客相看淚如雨
盛我侍兄以此卷

索書二年餘客白下乃得書此歸之陳元素陳印古

明表謝湖清香次第圖卷

引首與墨梅俱紐高守分引首文三橋篆四字長三尺寸謝湖畫墨梅長丈二尺每畫一枝書詞首表繫字尚之晚研謝湖因以自號博學善屬文尤長於詩書法入米元章之室見蘇州志

瑤圃春風篆

文彭

印文彭

三橋居士

紫陽

世美堂印

追想前春孤山風骨終年暎隔慣歷冰霜休言雨露恍然重識 爭誇桃李成谿冷淡種誰人憐惜枝頭漏洩

珠明玉潔餘寒猶勒

未開

謝湖

每枝下有印

細數閑量溪橋茅屋再探新粧南枝北榦已舒還斂却通清香 翹然風格難藏真個是鐵心石腸冰霜苦柰

撩人春興試賞前廊

欲開

低枝高搭春明晴昊遍開時霎栖雀爭看蒸雲罨沓幾層綿匝 不須跨蹇來尋還愁處風欺雲壓壺掛青絲溪移畫舫驚飛陣鴨 盛開

風掃南枝燕泥將軟春日方遲撩亂閑愁再尋吟伴且看離披 不妨追數幽期柰可是開歡悲綠陰濃處養成青子忘却殘時 將殘

寶祝

朝槿軒

表氏尚之

石湖漫士

謝林邨氏珍藏書畫

明表魯望詩卷

紐高守分長尺二寸七分魯望表子文待詔引為忘年交善書父子進士以山東提學副使致仕

朱大司空新河工完奉題 瓠子興嗟起濫觴新渠改
 卜利源長司空荒度恢神算河伯先驅奠峻防漕轉萬
 艘通職貢潤流百邑迤耕桑三年堤上巡行處菱舍惟
 餘柳數行 禾黍芄芄鉅野秋龍盤百里是安流榮光
 遠向河宗映雲氣常從芒碭浮太史書垂名世績宣房
 歌作濟時敵即看如帶真先兆共擬疇勳早建侯
 題陳子楚邀笛閣在秦淮之上是桓伊弄笛處 金陵
 城南邀笛步小閣伊人復枕流春暖落花常泛泛月明
 清吹故悠悠高風舊屬名賢賞勝地今為我輩游莫以
 鳴騶欲相避為君一弄且淹留 獨往尋源悵渺瀰五

年邀笛閣中期竭來陳榻秋高日正是秦淮水滿時匹
 練誰將橫碧落一輪還復映漣漪憑闌競取杯浮月吸
 畫清光醉不知 右拙詩四首白門散吏袁尊尼書呈
 太室宗丈先生大方教之時隆慶辛未冬日
 明邵僧弥六景六題冊

袁吏部乙丑
 望即印進士

畫絹本高八寸五分潤五寸七分對題紙本高潤同畫梅
 村集稱僧弥清羸頽秀好學多才藝於詩宗陶韋
 于畫做宋元於草書出入大小米而楷法逼虞褚
 或購之累數十金似亦過譽 後云數緡不止六景

落花游絲白日靜鳴鳩乳燕青春深 擬李晞古 僧

予不知畫豈能評畫然則評畫者果知畫歟是又不然
 不聞善易者不譚易故余亦姑妄評之以俟長聽者人

之技或噪名於一時寂然於過後者有之或無聞於生前絕叫於死後者有之若僧彌之畫生前固重死後尤重僧彌與畫畫與僧彌之在天壤間真可並傳不朽矣予亦因之入之評而評之予終無評也有是畫者宜善寶之謂余知畫不知畫無不可也南來老人徹南來讀蒼徹雪郭河陽晚年始脫院中習氣擬者以秀逸出之不墮藩塹僧彌 僧彌天資高邁筆墨無畫家習氣獨未得董巨公脉若天假之以年其造就亦不可限量也壬辰中秋後三日婁水王鑑照梅道人得范寬風骨故能超絕流輩頤堂瓜疇居士吳之陸墓人世畊讀尊翁

康衢先生業鑿有長者風居士弱冠時以肺疾棄舉子業然其天資敏妙法書繪染不煩師匠過目則能愜心應手右丞所謂夙世辭客前身畫師非謬也記戊寅己卯間雲子云治諸公締社法水白公房煙辰月夕聚首懽言動以風雅相箴諸公亦無不歛衽退避現聞駿公兩太史尤相雅重偕遊兩都名遂大著寸箋尺幅得者珍重不啻鳳凰一毛後居頤堂購求古今名人書畫鼎彝珍玩羅具一室與海岳子固二書畫舫並足千古解衣盤薄至者必心醉神怡而去無何而竟以疾終令子長豫尋亦下世頤堂幼子零替靡依每與駿老言及未

嘗不憮然太息今觀此冊中華墨畦畛脫畫無餘儼如
 居士面目軒軒霞舉尚足照人人品畫品同一高秀居士
 又何嘗不在人間世耶辛卯浴佛後一日書於中峯之
 一滴齋鳧溪自扁自道擬子畏先生即彌之印
 僧弥邵子興於閭閻生而韶秀弱冠遊於諸公之門俱
 得其歡畫學一派本於沈石天而有出藍之譽尺幅小
 景鮮潤可餐比來徃徃遇之望而知為邵子筆此冊尤
 為合作真可什襲惜其聞見未廣奄然長夜使剪斷東
 南枝峯蔓壑收入畫筍胸中更得數十卷書所詣當不
 止此人不可以無年每為此兄致慨辛卯二月十日徐

波題於天池落木菴

落木菴

徐波私印 元歎氏

昔人潑墨

成畫又惜墨如金能叅潑墨惜墨之故可與語畫矣

僧弥

向在梅村學士齋頭多見僧弥筆墨栖簡含凉水可以

過蓋骨青髓綠人也近時畫家詡稱高曾規矩誰董誰

巨本無天韻徒想舊蹊李北海所謂似我者拙今展眴

此冊雨聲過竹香穗未收伊人精爽如活名垂萬古知

何用於少陵之歌有三嘆云甲午花朝書於厓丘含景

閣中八水胡周萬題

胡印 周萬 臣

巨然得北苑神髓

而造境每無常局用墨奇秀亦無常法古所稱散僧入

聖者吾於巨然亦云 畱耕主人神情散朗標志霞外

特嗜予畫因擬數緇托贈并識古人學有所自如此時

崇禎甲戌夏四月也色香種僧弥人畫而絕余

心識之未幾僧弥逝矣余觀此册大約如丘遲詩落花

依草濯秀標鮮追想其人定復風流隱映所恨畫者不

可得見把玩咨嗟便寬尺幅中淒飈拂林哀湍注壑既

謝嵇云不禁瑯琊之痛壬辰臘月八日書於席丘南竿

影齋浙西夏緇竹窗吟醉夏緇

明趙文度雪景立軸絹本高五尺五寸六分濶二尺零九分松江志云學於

宋旭不輕涉筆其画宗董源神韻逸發

就船買得魚偏美踏雪歸來酒正香趙左趙左趙氏文度

又趙文度水墨山水册題標裱楮款在本身

紙本每幅高奇分濶六寸五分圖繪寶鑑續纂稱其筆墨雅秀烟雲生動烘染得法間用焦墨枯筆為之

北苑林亭秋色 巨然沙嶼閑舟 北苑寒山萬木

巨然松下清齋 荆浩傑閣松聲 關仝幽澗寒林

大癡抱膝深山 敷文雲山煙靄 荆浩濯足澗水

巨然綠陰泛舟 萬歷丙午長至日華亭趙左左

明季姜學在水墨雲壑高居圖立軸

紙高三尺五寸七分濶一尺七寸七分自沈子居至此不過備一家之筆墨所見中擇其人之最佳錄之

雲壑高居 摧岬湫沅渾穿林水氣昏山家無个事十

日不開門 姜實節為駿發画乙酉冬席丘實學遜世鶴澗節在全真

行見書畫 卷五 一百

明婁子柔撫蘇文忠書冊

宣德鏡光紐每幅高寸五分濶寸五分直長摺板冊引首雨雪金箋一幅書二大字列朝詩集稱其經明行脩學者推為大師卒貢於春官不仕而歸書法妙天下余謂有明書家婁為後勁不下思翁

墨禪

◎

秋憶

崇邨 艸堂

知者創物能者述焉非一人而成也君子之於學百工之於技自三代歷漢至唐而備矣故詩至於杜子美文至於韓退之書至於顏魯公畫至於吳道子而古今之變天下之能事畢矣道子畫人物如以燈取影送來順徃旁見側出橫斜平直各相乘除得自然之數不差毫末出新意於法度之中寄妙理於豪放之外所謂遊刃

餘地運斤成風蓋古今一人而已余於他畫或不能必其主名至於道子望而知其真偽也然世罕有真者如史全叔所藏平生蓋一二見而已 右東坡書道子畫後辛亥清和為淑士兄作草書 婁堅識 子柔

無所厭離何從出世無所欣慕何從入道欣慕之至亡子見父厭離之極燭鷄出湯不極不至心地不淨如飯中沙與飯皆熟若不含糊與飯俱噉即須吐出與沙俱棄善哉佛子作清淨飯淘米去沙終不能淨不如即用本所自種元無砂米此米無砂亦不受沙非不受也無受處故 右書魯直李氏傳後 婁堅印

予嘗論畫以為人禽宮室器用皆有常形至於山石竹木水波煙雲雖無常形而有常理常形之失人皆知之常理之不當雖曉畫者有不知故凡可以欺世而取名者必託於無常形者也雖然常形之失止於所失而不能病其全若常理之不當則舉廢之矣以其形之無常是以其理不可不謹也世之工人或能曲畫其形而至於其理非高人逸才不能辨與可之於竹石枯木真可謂得其理者矣如是而生如是而死如是而孿拳瘠蹙如是而條達遂茂根莖節葉芒角脉縷千變萬化未始相襲而各當其處合於天造戩於人意蓋達士之所寓

也與昔歲嘗畫兩叢竹於淨因之方丈其後出守陵陽而西也余與之偕別長老道臻師又畫兩竹梢一枯木於其東齋臻方治四壁於法堂而請於與可與可既許之矣故予并為記之必有明於理而深觀之者然後知余言之不妄

右淨因院畫記

婁堅之印

余性好文忠公詩文有妄評公詩者必唾之曰不笑譏不足以為妙有同聲讚歎公文者又唾之曰是文何至為若兩稱得無有遺憾乎以是頗不為人所喜然而不知余書之拙者徃徃以紙素見徵則又寫公詩文應之親朋或謂之曰安用是名開取怒為予既恬不悛久之

而人亦不以為怪知其實出於謔也今日連為淑士
書公三篇因并書平日嘲謔之語往發一粲如其還以
相譏則所謂相視而笑莫逆於心者耶四月十三日漫

識 婁道者堅

翁剔

子柔先生為太僕公高弟虞山宗伯序其詩謂在元和
慶歷之間書法亦直造晉宋人妙處惜名位不顯不為
時所艷稱然賞音光價又豈以名位為增損耶盛唐四
家不廢襄陽有明七子亦首茂秦若準此例以評書故
應為先生高置一座戊寅十二月十九日狄億呵凍書

芸閣吏

狄億私印

向濤

又婁子柔書二蘇擇勝銘附千字文卷

高俱寺五分銘白宋經烏絲欄楷書長四尺七寸四分千字文宣德經草書長丈五尺二寸二分

擇勝亭銘 蘇文忠守汝陰作 維古潁城因潁為隍

倚舟於門美哉洋洋如淮之甘如漢之蒼如洛之温如
浚之涼可侑我客可流我觴我欲即之為館為堂近水
而構夏潦所襄遠水而築邈焉相望廼作斯亭莛楹纒
樑鑿枘交設合散靡常赤油仰承青幄四張我所欲往
一夫可將與水升降除地布床可使杜蕢洗觶而揚可
使莊周觀魚而忘可使逸少板楔而祥可使太白泳月
而狂既薺我荼亦醪我採既濯我纓亦浣我裳豈獨臨

水無適不減春朝花郊秋夕月場無脛而趨無翼而翔
救又改為其費易償榜曰擇勝名實允當維古至人不
留一方虛白為室無何為鄉神馬尻輿孰為輪箱流行
坎止雖觸不傷居之無盜中靡所藏去之無戀如所宿
桑豈如世人生短慮長尺宅不治寸田是荒錫尾銅雀
石門阿房俯仰變滅與生俱亡我銘斯亭以砭世盲
文定總作 我嗟世人誰實與謀生伏其廬死安於丘
既成不化窘若繫囚我行四方所見或不江海之民生
託於舟前炊釜鬻後鑿區澗書設豆觴夕張衾裯出入
濤瀾歸宿汀洲與風皆行與水皆浮坐食網罟以魚去

留居無四鄰行無朋儔胡貊之民駕車以遊外纏毳鞵
內輯貂裘美水薦草駟馬縱牛逐射兔鹿聚爬薪槲食
肉飲水雨雪相咻草盡水乾風卷雲收所至成羣不懷
一畷今我柰何橫自綢繆翼為華堂湧為層樓繚以脩
垣貫以通溝勢窮物變何異一漚棄之不忍徙去莫由
矧茲士夫汎焉周流如巢燕春知不期秋脩椽高棟徒
與民仇一日安居百年怨尤我兄和仲塞剛立柔視民
如傷有急斯周視身如傳苟完不求山盤水嬉習氣未
瘳豈以吾好而俾民憂穎甚尾清湖曲孔幽風有翠幄
雨有赤油匪車匪舟亦可相攸民曰公來庶幾無憂乎

長公銘詩極體物之妙致兼押韻之天成如飛天仙人骨節皆活難乎其繼矣次公和作和而莊婉而多諷又似法家拂士高議巖廊正不當以優劣論也或曰長公筆力變化故非次公可倫亦猶皮相之談乎甲寅仲冬廿八日後學婁堅識

婁堅子柔

千文不錄錄其款識

庚子秋八月廿三日堅書

子柔

婁堅之印

明季吳梅村南湖春雨圖立軸

紐本水墨高尺寸五分潤尺寸分梅村人服其詩文不知有畫余三見不料其有如是之當行出色

南湖春雨圖 鴛鴦湖畔草粘天二月春深好放船柳

菜亂飄千尺雨桃花斜帶一溪煙煙雨迷離不知處舊

堤却認門前樹樹上流鶯三二聲十年此地扁舟住主

人愛客錦筵開水閣風吹笑語來畫鼓隊吹苑菜渡玉

簫聲出柘枝臺輕靴窄袖嬌粧束脆管繁絃競追逐雲

鬢弟子按霓裳雪面參軍舞鸚鵡酒盡移船曲榭西湍

湖燈火醉人歸朝來別奏新翻曲更出紅粧向柳堤歡

樂朝朝兼暮暮七貴五侯何足數十幅蒲帆幾尺風吹

君直上長安路長安富貴玉驄嬌侍女薰香護早朝吟

耐南湖舊花柳好留烟月待歸橈那知轉眼浮生夢蕭

蕭日影悲風動中散彈琴竟未終山公啓事成何用東
 市朝衣一旦休北邙坏土亦難留白楊尚作他人樹紅
 粉知非舊日樓烽火名園竄狐兔畫閣猶存老兵坐寧
 使當時沒縣官不堪朝市都非故我來倚棹向湖邊烟
 雨臺空倍惘然芳草乍疑歌扇綠落英錯認舞衣鮮人
 生快樂終安極年去年來增嘆息聞笛休嗟石季倫銜
 杯且効陶彭澤君不見白浪掀天一葉危收竿還怕轉
 船遲世人無限風波苦輸與江湖釣叟知 右鴛湖曲
 壬辰三月下浣補此畫吳偉業 灌隱
 公駿
 吳印
 偉業
 吳越所見書畫錄卷五終

